

que tribus fere hebdomadibus cæcitatistenebris adhuc involuta permansit. Annuo autem cursu accedente festivitate, qua catholica per orbem Ecclesia sancti Spiritus adventu lætatur, in Sabbato quod præcedens eam ipsi quoque imminet; cum multitudo populi more solito orationis causa monasterium adiret,

A sanctimonialis ipsa, inter alios qui venerant, hora diei quasi quarta, ante beati viri tumbam oratoria prosternitur, ibique aliquantisper orando lumen quod amiserat recepit, multisque in unum convenientibus perspicuitate hujus miraculi magnæ admodum lætitiæ causa fuit.

## ISONIS FORMULÆ.

(Vide Patrologiæ tom. LXXXVII, col. 875.)

ANNO DOMINI DCCCLXXII.

# GRIMALDUS

SANGALLENSIS ABBAS.

## LIBER SACRAMENTORUM

EX OPERIBUS SS. PATRUM EXCERPTUS.

(Apud Jacobum Pamelium, Liturgicon Ecclesiæ Latinæ tomo II.)

### PAMELII MONITUM.

Libri hujus enim præcedenti (a) in hæc verba meminit Micrologus, de divin. Observ., cap. 60. « Fecit tamen idem Albinus in sancta Ecclesia non contemnendum opus. Nam Gregorianas orationes in libris Sacramentorum collegisse asseritur, paucis alijs adjectis, quas tamen sub obelo notandas esse indicavit. Deinde alias orationes sive præfationes, etsi non Gregorianas, ecclesiasticæ tamen celebritati idoneas, collegit, sicut prologus testatur, quem post Gregorianas orationes in medio ejusdem libri collocavit. » Hactenus ille: qui etsi Alcuino (nam idem ille Alcuinus Albinus Flaccus cognominatur) ascribat, nos tamen vetustissimorum mss. codicum sequi fidem maluimus; potest enim in Micrologo error esse librorum, quibus Grimaldi nomen erat incognitum. Sive interim huic, sive illi ascribatur, videtur certe ad eum alludere Amalarius, lib. 1, cap. 22 et 24. « Pro illo, inquit, precatur a sacerdote in Sacramentario: *Ut ab immaculato Domini fontis utero, in novam renata creaturam, progenies cælestis emergat.* » Neque enim priori, sed hoc libro continetur cerei paschalis consecratio, ejus verba latius utroque capite explicat. Cujus adeo primam institutionem perperam quidam Zosimo papæ ascribunt, cum jam diu antea, et in Hispaniis Prudentius hymno, quo etiamnum utimur, eam celebraverit, et Mediolani D. Ambrosius peculiari quoque cerei benedictione sit usus.

B Quare recte sic hac de re, no. 1, cap. 18, Amalarius: « Romanis ita agentibus, nobis quoque præceptum est a papa Zosimo benedicere cereum. » Ac si dicat antea quidem Romæ id usitatum, sed a Zosimo papa in alijs quoque omnibus Ecclesijs fieri decretum. » Verum etsi hæc παραγγωλις dicta sint, confirmant tamen quod in dicto prologo scribit Grimaldus, vestustiora pene esse Gregorianis quæ in hoc opus digressit. « Sed quia, inquit, sunt et alia quædam quibus necessario sancta utitur Ecclesia, quæ idem Pater, ab alijs jam esse edita inspiciens, prætermisit, idcirco operæ pretium duximus ea velut flores pratorum vernantes carpere et in unum colligere, atque correctæ et emendatæ, suisque capitulis prænotata, in hujus corpore codicis seorsum ponere ut in hoc opere cuncta inveniret lectoris industria quæcumque nostris temporibus necessaria esse perspeximus. » Et certe constat hujus libri complures orationes Dominicarum post Epiphaniam, Pascha et Pentecosten, ex D. Ambrosio mutuatas. Porro et alio loco alludit ad hujus libri cap. 102 Amalarius: « Habemus, inquit, scriptum in quodam Sacramentario quod officia mortuorum agenda sint circa tertiam diem, et septimam, et trigesimam. » Quæ verba deinde pulchre et late explicat, ac auctoritate Scripturarum corroborat.

(a) Intellige Sacramentarium Gregorianum, quod apud Pamelium libro Grimaldi præmittitur et recu-

sum exstat in editione nostra Operum sancti Gregorii Magni. tom. IV. EDIT. PATROL.

## GRIMALDI PRÆFATIO.

Hucusque præcedens Sacramentorum libellus a B. papa Gregorio constat esse editus, exceptis his quæ in eodem in nativitate vel assumptione B. Mariæ, præcipue vero in Quadragesima, virgulis antepositis, lectoris invenerit jugulata, solertia. Nam sicut quorundam relatu didicimus, dominus apostolicus in eisdem diebus a stationibus penitus vacat, eo quod cæteris septimanæ feriis stationibus vacando fatigatus, eisdem requiescat diebus, ob id scilicet ut tumultuatione populari carens et eleemosynas pauperibus distribuere, et negotia exteriora liberius valeat disponere. Missam vero prætitulatam, *In Natali ejusdem beati Gregorii*, virgulisque ante positis jugulatam, a successoribus ejus, causa amoris, imo venerationis suæ, eidem suo operi non dubium esse interpositam. Præfatus sane Sacramentorum libellus, licet a plerisque, scriptorum vitio depravante, non ut ab auctore suo est editus haberetur, pro captu tamen ingenii, ob multorum utilitatem, studii nostri fuit enim artis stylo corrigere. Quem cum prudens lector studiose perlegerit, verum nos dicere illico comprobabit, nisi iterum scriptorum vitio depravetur. Sed quia sunt et alia quædam, quibus necessario sancta utitur Ecclesia, quæ idem Pater ab aliis jam edita esse inspiciens, prætermisit, idcirco operæ pretium duximus, ea velut flores pratorum vernantes carpere et in unum congerere, atque correctæ et emendatæ suisque capitulis prænotata in hujus corpore codicis seorsum ponere, ut in hoc opere cuncta inveniret lectoris industria, quæcunque nostris temporibus necessaria esse perspeximus, quanquam plura etiam in aliis Sacramentorum libellis invenissemus inserta. Hanc vero discretionis gratia præfatiunculam in medio collocavimus, ut alterius finis, alterius quoque exordium esset libelli; ita, videlicet, ut hinc inde formabiliter eisdem positis libellis noverit quisque quæ a B. Gregorio, quæve sint ab aliis edita Patribus; et quoniam excludendos tantarum quæsitores diversarumque institutionum sanctarum nequaquam dignum vel possibile esse censuimus, saltim eorum omnium condignis desideriis in evidenti hujus operis copia satis faceremus. Si cui autem placent ea quæ sine fastu arrogantia summo studio pioque collegimus amore, suscipere, precamur ut non ingratus nostro existat labori, sed potius una nobiscum gratias agat omnium bonorum largitori. Si vero superflua vel non necessaria sibi illa judicaverit, utatur tantum præfati Patris opusculo, quod minime respuere sine sui discrimine potest; et ea quærentibus, hisque pio animi affectu uti volentibus, utenda admittat. Non igitur ingratis et fastidiosis, sed potius studiosis ac devotis, illa colligimus, in quibus, cui animo selet, potest reperire unde et debita vota sua et officium divini cultus digne ac placabiliter Domino valeat exhibere. Noverit itaque nos perspicacitas lectoris non alia huic inseruisse operi, nisi ea quæ a probatissimis et eruditissimis magna diligentia exarata sunt viris. Ex multis ergo multa collegimus, ut multorum utilitati prospiceremus. Præfationes porro, quas in fine hujus posuimus codicis, flagitamus ut ab his quibus placent, cum claritate suscipiantur, et canantur. Ab his vero qui eas intelligunt, nec tamen delectantur nec non et ab his qui eas volunt, nec tamen intelligunt, poscimus ut nec assumantur nec canantur. Addimus etiam et *Benedictiones* ab episcopo super populum dicendas, nec non et illud quod in præfato codice B. Gregorii, ad gradus inferiores in Ecclesia constituendos, non habetur. Obsecramus itaque vos, quicumque hunc codicem ad legendum sive transcribendum sumpseritis, ut pro me preces ad Dominum fundatis, qui ob utilitatem plurimorum ea colligere atque corrigere studuimus. Precamurque ut eum ita diligenter transcribatis, quatenus ejus textus, et eruditorum aures demulceat, et simpliciores quosque errare non sinat. Nihil enim, ut ait B. Hieronymus, proderit emendasse librum, nisi emendatio librorum diligentia conservetur.

## CAPITULA HUIUS LIBRI

|      |  |        |   |
|------|--|--------|---|
| I.   | <i>Benedictio cereæ.</i>   | D VII. | <i>Dominica prima post Theophaniam.</i> |
| II.  | <i>Orationes per singulas lectiones in Sabbato sancto, require retro in Sabbato sancto Paschæ.</i>   | VIII.  | <i>Dominica II post Theophaniam.</i>    |
| III. | <i>Item orationes in Vigilia Pentecostes, require retro in Sabbato sancto Pentecostes.</i>   | IX.    | <i>Dominica III post Theophaniam.</i>   |
| IV.  | <i>Benedictionem salis ad faciendum catechumenum, et inde quæ sequuntur orationes, qualiter baptizentur hi qui baptizandi sunt, require in Sabbato sancto Pentecostes.</i> | X.     | <i>Dominica IV post Theophaniam.</i>    |
| V.   | <i>Dominica I post Natale Domini.</i>  | XI.    | <i>Dominica V post Theophaniam.</i>     |
| VI.  | <i>Dominica II post Natale Domini.</i>   | XII.   | <i>Dominica VI post Theophaniam.</i>    |
|      |  | XIII.  | <i>Dominica I post octab. Paschæ.</i>   |
|      |  | XIV.   | <i>Dominica II post octab. Paschæ.</i>  |
|      |  | XV.    | <i>Dominica III post octab. Paschæ.</i> |
|      |  | XVI.   | <i>Dominica IV post octab. Paschæ.</i>  |
|      |  | XVII.  | <i>Dominica I post Ascensa Domini.</i>  |
|      |  | XVIII. | <i>Dominica I post Pentecost.</i>       |
|      |  | XIX.   | <i>Dominica II post Pentecost.</i>      |
|      |  | XX.    | <i>Dominica III post Pentecost.</i>     |

XXI. *Dominica IV post Pentecost.*  
 XXII. *Dominica V post Pentecost.*  
 XXIII. *Dominica VI post Pentecost.*  
 XXIV. *Dominica VII post Pentecost.*  
 XXV. *Dominica VIII post Pentecost.*  
 XXVI. *Dominica IX post Pentecost.*  
 XXVII. *Dominica X post Pentecost.*  
 XXVIII. *Dominica XI post Pentecost.*  
 XXIX. *Dominica XII post Pentecost.*  
 XXX. *Dominica XIII post Pentecost.*  
 XXXI. *Dominica XIV post Pentecost.*  
 XXXII. *Dominica XV post Pentecost.*  
 XXXIII. *Dominica XVI post Pentecost.*  
 XXXIV. *Dominica XVII post Pentecost.*  
 XXXV. *Dominica XVIII post Pentecost.*  
 XXXVI. *Dominica XIX post Pentecost.*  
 XXXVII. *Dominica XX post Pentecost.*  
 XXXVIII. *Dominica XXI post Pentecost.*  
 XXXIX. *Dominica XXII post Pentecost.*  
 XL. *Dominica XXIII post Pentecost.*  
 XLI. *Dominica XXIV post Pentecost.*  
 XLII. *Item aliæ Missæ quotidianis diebus.*  
 XLIII. *Alia Missa.*  
 XLIV. *Alia Missa.*  
 XLV. *Alia Missa.*  
 XLVI. *Alia Missa.*  
 XLVII. *In Natali unius apostoli.*  
 XLVIII. *In Natali plurimorum apostolorum.*  
 XLIX. *In Natali unius martyris.*  
 L. *In Natali plurimorum martyrum.*  
 LI. *In Natali unius confessoris.*  
 LII. *In Natali plurimorum confessorum.*  
 LIII. *In Natali virginis.*  
 LIV. *Missa ad poscenda suffragia sanctorum.*  
 LV. *Oratio ad clericum faciendum.*  
 LVI. *Benedictio vestium virginis et viduæ, et consecratio virg.*  
 LVII. *Benedictio altaris.*  
 LVIII. *Consecratio altaris*  
 LIX. *Ad consecrandam patenam.*  
 LX. *Ad calicem benedicendum.*  
 LXI. *Oratio in dedicatione fontis.*  
 LXII. *Missa in anniversario dedicationis Basilicæ.*  
 LXIII. *Missa pro regibus.*  
 LXIV. *Missa quotidiana pro rege.*  
 LXV. *Orat. ad Missam tempore synodi pro rege dicenda.*  
 LXVI. *Missa specialis sacerdotis cum præfatione.*  
 LXVII. *Item alia cum præfatione.*  
 LXVIII. *Missa pro amico vel pro quo volueris.*  
 LXIX. *Alia Missa.*  
 LXX. *Alia Missa.*  
 LXXI. *Missa pro salute vivorum.*  
 LXXII. *Missa pro familiaribus.*  
 LXXIII. *Missa pro abbate vel congreganti.*  
 LXXIV. *Orat. in monasterio monachorum.*  
 LXXV. *Orat. pro fratribus in via dirigendis.*  
 LXXVI. *Orat. pro redeuntibus de itinere.*  
 LXXVII. *Orat. de adventu fratrum supervenientium.*  
 LXXVIII. *Missa pro iter agentibus.*  
 LXXIX. *Missa pro navigantibus.*  
 LXXX. *Missa pro peccatis.*  
 LXXXI. *Oratio in tempore belli.*  
 LXXXII. *Missa in tempore belli.*  
 LXXXIII. *Alia missa.*  
 LXXXIV. *Alia missa.*  
 LXXXV. *Missa pro pace.*  
 LXXXVI. *Missa pro quacunque tribulatione.*  
 LXXXVII. *Missa pro peste animalium.*  
 LXXXVIII. *Missa in contentione.*  
 LXXXIX. *Missa contra iudices male agentes.*

\* Quod Zosimus papa consecrationem cerei Paschalis instituisse legitur, id aut eo referendum, ut

A XC. *Missa contra obloquentes.*  
 XCI. *Orat. ad pluviam postulandam.*  
 XCII. *Missa ad pluviam postulandam.*  
 XCIII. *Orat. ad serenitatem postulandam.*  
 XCIV. *Missa ad serenitatem postulandam.*  
 XCV. *Missa ad repellendam tempestatem.*  
 XCVI. *Orationes et preces super penitentem confitentem peccata sua more solito feria IV in Quadrage.*  
 XCVII. *Oratio ad reconciliandum penitentem ser. V. in cæna Domini.*  
 XCVIII. *Oratio ad visitandum infirmum.*  
 XCIX. *Missa pro infirmis.*  
 C. *Orat. pro reddita sanitate.*  
 CI. *Reconciliatio penitentis ad mortem.*  
 CII. *Orat. in agenda mortuorum.*  
 CIII. *Missa unius defuncti.*  
 CIV. *Missa pro defuncto nuper baptizato.*  
 CV. *Orationes pro defunctis desiderantibus penitentiam et minime consequentibus.*  
 B CVI. *Missa in anniversario unius defuncti.*  
 CVII. *Missa plurimorum defunctorum.*  
 CVIII. *Alia missa.*  
 CIX. *Alia missa.*  
 CX. *Missa in cœmeteriis.*  
 CXI. *Missa pro salute vivorum vel Agenda mortuorum.*  
 CXII. *Exorcismus salis.*  
 CXIII. *Benedictio salis.*  
 CXIV. *Exorcismus aquæ.*  
 CXV. *Benedictio aquæ.*  
 CXVI. *Benedictio salis et aquæ pariter.*  
 CXVII. *Orationes quando aqua spargitur in domo.*  
 CXVIII. *Benedictio domus.*  
 CXIX. *Oratio contra fulgura.*  
 CXX. *Oratio super vasa in loco antiquo re-  
 perta.*  
 CXXI. *Benedictio putei.*  
 CXXII. *Benedictio uvæ vel sabæ.*  
 CXXIII. *Benedictio ad fruges novas.*  
 CXXIV. *Benedictio ad omnia quæ volueris.*  
 CXXV. *Benedictio panis novi.*  
 CXXVI. *Oratio ante cibum.*  
 CXXVII. *Oratio super mensam.*  
 CXXVIII. *Oratio post cibum.*  
 CXXIX. *Oratio in sacratio.*  
 CXXX. *Oratio ubi vestimenta conserrantur.*  
 CXXXI. *Oratio in refectorio.*  
 CXXXII. *Oratio in dormitorio.*  
 CXXXIII. *Oratio in cellario.*  
 CXXXIV. *Oratio in scriptorio.*  
 CXXXV. *Oratio in hospitalio.*  
 CXXXVI. *Oratio in domo infirmorum.*  
 CXXXVII. *Oratio in area.*  
 CXXXVIII. *Oratio in granario.*  
 CXXXIX. *Oratio in pistrino.*  
 D CXL. *Oratio in coquina.*  
 CXLI. *Oratio in lardario.*  
 CXLII. *Oratio in caminata.*  
 CXLIII. *Oratio in introitu portæ.*  
 CXLIV. *Orationes matutinales et vespertinales.*  
 CXLV. *Impositio manuum super energumenum catechumenum.*  
 CXLVI. *Item aliæ pro parvulo energumeno.*  
 CXLVII. *Item aliæ orationes super energumeno baptizato.*

## I.

## \* BENEDICTIO CEREI. \*

Exsultet jam angelica turba cœlorum, exsultent divina mysteria, et pro tanti regis victoria, tuba intopse Romæ primus eam consuetudinem D. Ambrosii imitatus sit, aut certe eam formam consecrationis,

net salutaris. Gaudeat tantis tellus irradiata fulgoribus, et æterni regis splendore illustrata, totius noctis se sentiat amisisse caliginem. Lætetur et mater Ecclesia tanti luminis adornata fulgoribus, et magnis populorum vocibus hæc aula resultet. Quapropter astantibus vobis, fratres charissimi, ad tam miram sancti hujus luminis claritatem, una mecum, quæso, Dei omnipotentis misericordiam invocate, ut qui me non meis meritis intra Levitarum numerum dignatus est aggregare, luminis sui gratiam infundendo, cerei hujus laude implere perficiat [*alias laudem implere præcipiat*]. Per Dominum nostrum Jesum Christum Filium tuum, qui tecum vivit et regnat Deus in unitate Spiritus sancti.

Per omnia sæcula sæculorum. R. Amen.

Dominus vobiscum. R. Et cum Spiritu tuo.

Sursum corda. R. Habemus ad Dominum.

Gratias agamus Domino Deo nostro. R. Dignum et justum est.

D. Quia dignum et justum est, invisibilem Deum, omnipotentem Patrem, Filiumque ejus unigenitum Dominum nostrum Jesum Christum, [sanctum quoque Spiritum] toto cordis ac mentis affectu et vocis ministerio personare. Qui pro nobis æterno Patri Adæ debitum solvit, et veteris piaculi cautionem, pio cruore detersit. Hæc sunt enim festa paschalia, in quibus verus ille Agnus occiditur, ejusque sanguine postes consecrantur. Hæc nox est, in qua primum patres nostros filios Israel eductos de terra Ægypti, Rubrum mare sicco vestigio transire fecisti. C Hæc igitur nox est, quæ peccatorum tenebras columnæ illuminatione purgavit. Hæc nox est, quæ hodie per universum mundum in Christo credentes a vitis sæculi, et caligine peccatorum segregatos, reddit gratiæ, sociat sanctitati. Hæc nox est, in qua destructis vinculis mortis, Christus ab inferis victor ascendit. Nihil enim nobis nasci profuit, nisi redimi profuisset. O mira circa nos tuæ pietatis dignatio! O ineffabilis dilectio charitatis! ut servum redimeres, Filium tradidisti. O beata nox, quæ sola meruit scire tempus et horam in qua Christus ab inferis resurrexit! Hæc nox est, de qua scriptum est: Et nox ut dies illuminabitur, et nox illuminatio mea in deliciis meis. Hujus igitur sanctificatio noctis, fugat scelera, culpas lavat, et reddit innocentiam lapsis, mœstis lætitiâ. Fugât odia, concordiam parat, et curvat imperia. In hujus igitur noctis gratia, suscipe, sancte Pater, incensi hujus sacrificium vespertinum, quod tibi in hac cerei oblatione solenni, per ministrorum manus de operibus apum sacrosancta reddit Ecclesia. Sed jam columnæ hujus præconia novimus, quam in honore Dei rutilans ignis accendit. Qui licet divisus in partes, mutuati luminis detrimenta non novit. Alitur liquentibus

cum antea Ambrosiana usus foret, ipse descripsit: constat enim et in Mediolanensi Ecclesia a divo Ambrosio jam tum visitatam, et in Hispania quoque ea ætate testatur Prudentius hymno ea de re composito.

A ceris, quam in substantiam pretiosæ hujus lampadis apis mater eduxit. O vere beata nox! quæ exspoliavit Ægyptios, ditavit Hebræos. Nox, in qua terrenis cœlestia, humana divinis junguntur. Oramus te, Domine, ut cereus iste in honore nominis tui consecratus, ad noctis hujus caliginem destruendam, indeficiens, perseveret: atque in ordinem suavitatis acceptus [*al.*, accensus], supernis luminaribus misceatur. Flammas ejus Lucifer matutinus inveniat. Ille, inquam, Lucifer qui nescit occasum; ille qui regressus ab inferis, humano generi serenus illuxit. Precamur ergo te, Domine, ut nos famulos tuos, omnem clerum, et devotissimum populum, una cum papa nostro N. et gloriosissimo rege nostro N. necnon et antistite nostro N. quiete temporum concessa, in his paschalibus gaudiis conservare digneris. Per Dominum nostrum Jesum Christum Filium tuum, qui tecum vivit et regnat Deus in unitate Spiritus sancti. Per omnia sæcula sæculorum. Amen.

(*Hic desunt numm. II, III, IV. Exstant quidem in indice capitulorum, sed nonnisi lectoris ad alia revocandi causa.*)

#### V.

##### DOMINICA I POST NATALE DOMINI.

Deus, qui salutis æternæ B. Mariæ virginitate fecunda humano generi præmia præstitisti, tribue, quæsumus, ut ipsam pro nobis intercedere sentiamus, per quam meruimus auctorem vitæ suscipere, Dominum nostrum Jesum Christum.

##### Secreta.

Muneribus nostris, Domine, precibusque susceptis, et cœlestibus nos munda mysteriis, et clementer exaudi. Per.

##### Post Communionem.

Da nobis, quæsumus, Domine Deus noster, ut qui nativitatem Domini nostri Jesu Christi nos frequentare gaudemus, dignis conversationibus, ad ejus mereamur pertinere consortium. Per Dominum nostrum.

#### VI.

##### DOMINICA II POST NATALE DOMINI.

Omnipotens sempiternæ Deus, dirige actus nostros in beneplacito tuo, ut in nomine Filii tui dilecti mereamur bonis operibus abundare. Per eundem.

##### Secreta.

Concede, quæsumus, ut oculis tuæ majestatis munus oblatum, et gratiam nobis devotionis obtineat, et effectum beate perennitatis acquirat. Per Dominum.

##### Post Communionem.

Per hujus, Domine, operationem mysterii, et vitia nostra purgentur, et justa desideria compleantur. Per.

<sup>a</sup> Et si solus cod. Colon. librum hunc II contineat plerasque tamen omnes orationes hoc libro contentas habent duo D. Banonis Ganensis et Ultraject. cod.

[*Super populum* <sup>a</sup>.

Propitiare, misericors Deus, etc., *ut supra inter Oration. quotid.*]

## VII.

## DOMINICA I POST THEOPHANIAM.

Vota, quæsumus, Domine supplicantis populi cœlesti pietate prosequere, ut, et quæ agenda sunt, videant; et ad implenda quæ viderint, convalescant. Per.

*Secreta.*

Oblatum tibi Domine sacrificium, vivificet nos semper et muniat. Per Dominum.

*Præfatio.*

D. Et justum est, usque, æterne Deus. Quia cum unigenitus, etc., *ut supra in die Epiphaniæ.*

*Post Communionem.*

Supplices te rogamus, omnipotens Deus, ut, quos tuis reficis sacramentis, tibi etiam placitis moribus dignanter deservire concedas. Per Dominum nostrum.

[*Super populum.*

Conserva, quæsumus, Domine, familiam tuam, etc., *ut supra inter orat. quotid.*]

## VIII.

## DOMINICA II POST THEOPHANIAM.

Omnipotens sempiternus Deus, qui cœlestia simul et terrena moderaris, supplicationes populi tui clementer exaudi, et pacem tuam nostris concede temporibus. Per Dominum nostrum.

*Secreta.*

Oblata, Domine, munera sanctifica, nosque a peccatorum nostrorum maculis emunda. Per.

*Post Communionem.*

Augeatur in nobis, Domine, quæsumus, tuæ virtutis operatio, ut divinis vegetati sacramentis, ad eorum promissa capienda tuo munere præparemur. Per.

[*Super populum.*

Auxiliare Domine populo tuo, etc., *ut supra, inter orat. quotid.*]

## IX.

## DOMINICA III POST THEOPHANIAM.

Omnipotens sempiternus Deus, infirmitatem nostram propitius respice, atque ad protegendum nos, dexteram tuæ majestatis extende. Per Dominum.

*Secreta.*

Hæc hostia, Domine, quæsumus, emundet nostra delicta, et sacrificium celebrandum subditorum tibi corpora mentesque sanctificet. Per.

*Post Communionem.*

Quos tantis, Domine, largiris uti mysteriis, quæ-

<sup>a</sup> Hæc spectant ad Sacramentarium Gregorianum, quod, ut jam monuimus, præsentis libro Grimaldus

A sumus, ut effectibus eorum veraciter aptare digneris. Per.

[*Super populum.*

Adsit, Domine, quæsumus, etc., *ut supra loco citato.*]

## X.

## DOMINICA IV POST THEOPHANIAM.

Deus, qui nos in tantis periculis constitutos, per humana scis fragilitate non posse subsistere, da nobis salutem mentis et corporis, ut ea quæ peccatis nostris palimur, te adjuvante, vincamus. Per Dominum.

*Secreta.*

Concede, quæsumus, omnipotens Deus, ut hujus sacrificii munus oblatum, fragilitatem nostram, ab omni malo purget semper, et muniat. Per.

*Post Communionem.*

Munera tuo nos, Deus, a delectationibus terrenis expediat, et cœlestibus semper instruant alimentis.

[*Super populum.*

Vox clamantis Ecclesiæ, etc., *ut supra loco jam dicto.*]

## XI.

## DOMINICA V POST THEOPHANIAM.

Familiam tuam, quæsumus, Domine, continua pietate custodi, ut quæ in sola spe gratiæ cœlestis innititur, tua semper protectione muniat. Per.

*Secreta.*

Hostias tibi, Domine, placationis offerimus, ut et delicta nostra miseratione absolvas, et nutantia corda tu dirigas. Per.

*Post Communionem.*

Da, quæsumus, omnipotens Deus, ut illius salutaris capiamus effectum, cujus per hæc mysteria pignus accepimus.

[*Super populum.*

Ecclesiæ tuæ, Domine, voces, etc., *ut supra eodem loco.*]

## XII.

## DOMINICA VI POST THEOPHANIAM.

Conserva populum tuum, Deus, et tuo nomini sac devotum, ut divinis subjectus officiis, et temporalia viriliter, et æterna dona percipiat. Per.

*Secreta.*

Hæc nos oblatio, Deus, mundet, quæsumus, et renovet, et gubernet, et prælegat. Per.

*Post Communionem.*

Cœlestibus, Domine, pasti deliciis, quæsumus, ut semper eadem, per quæ veraciter vivimus, appetamus. Per.

[*Super populum.*

Præsta, quæsumus, omnipotens Deus, etc., *ut supra eodem loco.*]

noster præmiserat. Sacramentarium Gregorii vidi inter ejus opera. EDIT.

## XIII.

## DOMINICA I POST OCTAVAS PASCHÆ.

Deus, qui in Filii tui humilitate jacentem mundum existi, fidelibus tuis perpetuam concede lætitiã, ut quos perpetuæ mortis eripisti casibus, gaudiis cœlestis sempiternis perfrui. Per eundem Dominum.

*Secreta.*

Benedictionem tuam, Domine, nobis conferat salutarem sacra semper oblatio, ut, quod agit mysterio, virtute perficiat. Per.

*Post Communionem.*

Præsta nobis, omnipotens Deus, ut, vivificationis tuæ gratiam consequentes, in quo semper munere gloriamur.

[*Super populum,*

Familiam tuam, etc., *ut supra.*]

## XIV.

## DOMINICA II POST OCTAVAS PASCHÆ.

Deus, qui errantibus ut in viam possint redire, justitiæ tuæ lumen ostendis, da cunctis qui Christiana professione censentur, et illa respuere quæ huic inimica sunt nomini, et ea quæ sunt apta sectari. Per.

*Secreta.*

His nobis mysteriis conferatur, quo terrena desideria mitigantes, discamus amare cœlestia. Per.

*Post Communionem.*

Sacramenta quæ sumpsimus, quæsumus, Domine, et spiritalibus nos instruant alimentis, et corporalibus tueantur auxiliis. Per Dominum nostrum.

[*Super populum.*

Gaudeat, etc., *ut supra.*]

## XV.

## DOMINICA III POST OCTAVAS PASCHÆ.

Deus, qui fidelium mentes unius efficit voluntatis, da populis tuis, id amare quod præcipis, id desiderare quod promittis, ut inter mundanas varietates ibi nostra fixa sint corda, ubi veræ sunt gaudia. Per Dominum nostrum.

*Secreta.*

Deus, qui nos per hujus sacrificii veneranda commercia unius summæ divinitatis participes efficit, præsta, quæsumus, ut, sicut tuam cognoscimus veritatem, sic eam dignis moribus assequamur. Per.

*Post Communionem.*

Adesto, Domine Deus noster, ut per hæc quæ fideliter sumpsimus, et purgemur a vitiis, et a periculis omnibus exuamur. Per.

## XVI.

## DOMINICA IV POST OCTAVAS PASCHÆ.

Deus, a quo bona cuncta procedunt, largire sup-

\* Ita inscribit quidem has Dominicas cod. ms., verum plures Missales libros habere *Dominica I post oct. Pentecost.*, et in hunc modum melius concordiam iniri cum Antiph. et lect. 25 Dominicarum, asserit Berno, l. de Miss., c. 5. nominatim orationem explicans, et concordiam ejus indicans cum Evange-

plicibus, ut cogitemus te inspirante quæ recta sunt, et te gubernante eadem faciamus. Per.

*Secreta.*

Suscipe, Domine, fidelium preces cum oblationibus hostiarum, ut per hæc piæ devotionis officia ad cœlestem gloriam transeamus. Per.

*Post Communionem.*

Tribue nobis, Domine, cœlestis mensæ virtute [*al. cœlestis mensæ satietate*] satiatis, et desiderata percipere. Per Dominum nostrum.

## XVII.

## DOMINICA POST ASCENSUM DOMINI.

B Omnipotens sempiternus Deus, fac nobis tibi semper et devotam gerere voluntatem, et majestati tuæ sincero corde servire. Per.

*Secreta.*

Sacrificia nos, Domine, immaculata purificent, et mentibus nostris supernæ gratiæ dent vigorem. Per.

*Post Communionem.*

Repleti, Domine, muneribus sacris, da, quæsumus, ut in gratiarum semper actione maneamus. Per.

[*Super populum.*

Deus vita fidelium, gloria humillium, et beatitudo justorum, propitius suscipe supplicum preces; ut animæ quæ promissiones tuas sitiunt, de tua semper C abundantia repleantur. Per Dominum.]

## XVIII.

## \* DOMINICA I POST PENTECOSTEN.

Deus in te sperantium fortitudo, adesto propitius invocationibus nostris, et quia sine te nihil potest mortalitatis infirmitas, præsta auxilium gratiæ tuæ, ut in exsequendis mandatis tuis, et voluntate tibi et actione placeamus. Per Dominum nostrum.

*Secreta.*

Hostias nostras, Domine, tibi dicatas placatus assume, et ad perpetuum nobis tribue provenire subsidium. Per.

*Post Communionem.*

D Tantis, Domine, repleti muneribus, præsta, quæsumus, ut et salutaria dona capiamus, et a tua nunquam laude cessemus. Per Dominum nostrum.

[*Super populum.*

Fideles tuos, Domine, benedictio desiderata confirmet, quæ eos et a tua voluntate faciat, nunquam discrepare, et tuis semper indulgeat beneficiis gratulari. Per Dominum.]

lio de Lazaro, et introitu: *Domine in misericordia*, sicuti supra habentur in Lectionar. et Antiphonar. Dom. I post oct. Pentecost. Quare et hic ita legendum censeo, et conformiter in 25 Dominicis, præsertim cum sic etiam inscribantur has Dominicas supradicti tres ms. cod.

## XIX.

## DOMINICA II POST PENTECOSTEN [OCT. PENT.]

Sancti nominis tui, Domine, timorem pariter et amorem fac nos habere perpetuum, quia nunquam tua gubernatione destituis quos in soliditate tuæ dilectionis instituis. Per.

*Secreta.*

Oblatio nos, Domine, tuo nomini dicanda, purificet, et de die in diem ad cœlestis vitæ transferat actionem. Per Dominum.

*Post Communionem.*

Sumptus muneribus, Domine, quæsumus, ut cum frequentatione mysterii crescat nostræ salutis effectus. Per.

[*Super populum.*

Deus, qui te in rectis ac sinceris manere pectoribus asseris, da nobis tua gratia tales existere, in quibus habitare digneris. Per Dominum.]

## XX.

## DOMINICA III POST PENTECOSTEN.

Deprecationem nostram, quæsumus, Domine, benignus exaudi, et quibus supplicandi præstas affectum, tribue defensionis auxilium. Per.

*Secreta.*

Munera, Domine, oblata sanctifica, ut tui nobis unigeniti corpus et sanguis fiant. Per eundem.

*Post Communionem.*

Hæc nos communio Domine purget a crimine, et cœlestis remedii faciat esse consortes. Per.

[*Super populum.*

Plebis tuæ, quæsumus, Domine, ad te semper corda converte, ut quam tantis facis patrociniis adjuvari, perpetuis non desinas gubernare præsiidiis. Per Dominum.

## XXI.

## DOMINICA IV POST PENTECOSTEN b.

Protector in te sperantium Deus, sine quo nihil est validum, nihil sanctum, multiplica super nos misericordiam tuam, ut te rectore, te duce, sic transeamus per bona temporalia, ut non amittamus æterna. Per.

*Secreta.*

Respice, Domine, munera supplicantis Ecclesiæ, et saluti credentium perpetua sanctificatione sumenda concede. Per.

*Post Communionem.*

Sancta tua nos, Domine, sumpta vivificent, et misericordiæ sempiternæ præparent expiatis. Per.

[*Super populum*

Propitiare, Domine, populo tuo, et ab omnibus

<sup>a</sup> Hoc officium hic omittendum et in octava Pentecostes ponendum videtur eo quod superfluum esse patet ex numero viginti quatuor Dominicarum cum constet viginti tres duntaxat Dominicas in Antiph. et Sacram. ordinatas, præsertim cum eadem inculcet Microl. c. 61.

A illum absolve peccatis; ut, quod nostris offensionibus promeremur, tua indulgentia repellatur. Per Dominum.]

## XXII.

## DOMINICA V POST PENTECOSTEN.

Da nobis, Domine, quæsumus, ut et mundi cursus pacifice nobis tuo ordine dirigatur, et Ecclesia tua tranquilla devotione lætetur.

*Secreta.*

Oblationibus, quæsumus, Domine, placate susceptis, et ad te nostras etiam rebelles compelle propitius voluntates. Per Dominum nostrum.

*Post Communionem.*

Mysteria nos, Domine, sancta purificent et suo munere tueantur. Per Dominum.

*Super populum.*

Adesto, Domine, populo tuo, et nihil de sua conscientia præsumenti, ineffabili miseratione succurre; ut, quod non habet fiducia meritorum, tua conferat largitas invicta donorum. Per Dominum.]

## XXIII.

## DOMINICA VI POST PENTECOSTEN.

<sup>c</sup> Deus, qui diligentibus te bona invisibilia præparasti, infunde cordibus nostris tui amoris affectum, ut te in omnibus et super omnia diligentes, promissiones tuas quæ omne desiderium superant, consequamur. Per Dominum.

*Secreta.*

Propitiare, Domine, supplicationibus nostris, et has oblationes famulorum famularumque tuarum benignus assume, ut quod singuli obtulerunt ad honorem nominis tui, cunctis proficiat ad salutem. Per.

*Post Communionem.*

Quos cœlesti, Domine, dono satiasti, præsta, quæsumus, ut a nostris mundemur occultis, et ab hostium liberemur insidiis. Per.

[*Super populum.*

Da, quæsumus, Domine, populo tuo mentem qua tibi devotus existat; et intellectum, quo justa deponat; et propitiationem tuam, qua pie desiderantibus profutura perficias. Per Dominum.]

## XXIV.

## DOMINICA VII POST PENTECOSTEN.

Deus virtutum, cujus est totum quod est optimum, inserte pectoribus nostris amorem tui nominis, et præsta in nobis religionis augmentum, ut, quæ sunt bona, nutrias, ac vigilantibus studio, quæ sunt nutrita, custodias. Per.

*Secreta.*

Propitiare, Domine, supplicationibus nostris, et

<sup>b</sup> Legendum puto: *Domin. III, post oct. Pentec.*, et conformiter in seq.

<sup>c</sup> Concordiam hujus officii cum lect. *Dominicæ V post oct. Pent.* vide apud Bern., l. de Missa., c. 5.

has populi tui oblationes benignus assume, et ut **A** nullius sit irritum votum et nullius vacua postulatio, præsta ut quod fideliter petimus, efficaciter consequamur. Per.

*Post Communionem.*

Repleti sumus, Domine, muneribus tuis; tribue, quæsumus, ut eorum et mundemur effectū, et muniamur auxilio. Per Dominum nostrum.

[*Super populum.*

Absolve, quæsumus, Domine, delicta populorum; et a peccatorum nostrorum nexibus, quæ pro nostra fragilitate contraximus, tua benignitate liberemur. Per Dominum.]

## XXV.

DOMINICA VIII POST PENTECOSTEN.

**A** Deus, cujus providentia in sui dispositione non fallitur, te supplices exoramus, ut noxia cuncta submoveas, et omnia nobis profutura concedas. Per Dominum.

*Secreta.*

Deus, qui legalium differentiam hostiarum unius sacrificii perfectione sanxisti, accipe sacrificium a devotis tibi famulis, et pari benedictione, sicut munera Abel, sanctifica, ut quod singuli obtulerunt ad majestatis tuæ honorem, cunctis proficiat ad salutem. Per.

*Post Communionem.*

Tui nobis, Domine, communio sacramenti, et purificationem conferat, et tribuat unitatem. Per. **C**

[*Super populum.*

Adesto, Domine, populis tuis, etc., ut supra inter oral. quotid.].

## XXVI.

DOMINICA IX POST PENTECOSTEN.

Largire nobis, Domine, quæsumus, semper spiritum cogitandi quæ recta sunt, propitius, et agendi, ut qui sine te esse non possumus, secundum te vivere valeamus. Per Dominum.

*Secreta.*

Suscipe munera, quæsumus, Domine, quæ tibi de tua largitate deferimus, et hæc sacrosancta mysteria, gratiæ tuæ operante virtute, præsentis vitæ nos conversatione sanctificent, et ad gaudia sempiterna perducant. Per. **D**

*Post Communionem.*

Sit nobis, Domine, reparatio mentis et corporis cæleste mysterium, ut cujus exsequimur actionem, sentiamus effectum. Per.

[*Super populum.*

Benedictionem tuam, etc., ut supra loco citato.]

<sup>a</sup> Hujus quoque concordiam cum lect. et offert. Dominicæ VII post Oct. Pent. vide apud eundem, et Microl. c. 61.

<sup>b</sup> Etiam hujus concordiam cum Evangelio Dominicæ PATROL. CXXI.

## XXVII.

DOMINICA X POST PENTECOSTEN.

Pateant aures misericordiæ tuæ, Domine, precibus supplicantium, et ut petentibus desiderata concedas, fac tibi eos, quæsumus, placita postulare. Per

*Secreta.*

Concede nobis hæc, quæsumus, Domine, frequentare mysteria, quia quoties hujus hostiæ commemoratio celebratur, opus nostræ redemptionis exercitur. Per Dominum.

*Post Communionem.*

Tua, nos, Domine, medicinalis operatio, et a nostris perversitatibus clementer expediat, et ad ea **B** quæ sunt recta, perducatur. Per Dominum.

[*Alia.*

Tui nobis, Domine, communio sacramenti, et purificationem conferat, et tribuat unitatem. Per Dominum.]

[*Super populum.*

Respice, Domine, propitius, etc., ut supra.<sup>1</sup>

## XXVIII.

DOMINICA XI POST PENTECOSTEN.

**B** Deus, qui omnipotentiam tuam parcendo maxime et miserando manifestas, multiplica super nos misericordiam tuam, ut ad tua promissa currentes, cælestium honorum facias esse consortes. Per.

*Secreta.*

Tibi, Domine, sacrificia dicta reddantur; quæ sic ad honorem nominis tui deferenda tribuisti, ut eadem remedia fieri nostra præstares. Per.

*Post Communionem.*

Quæsumus, Domine Deus noster, ut quos divinis reparare non desinis sacramentis, tuis non destitutas benignus auxiliis. Per Dominum.

[*Super populum.*

Fideles tuos, Domine, etc., ut supra.]

## XXIX.

DOMINICA XII POST PENTECOSTEN.

**C** Omnipotens sempiternæ Deus, qui abundantia pietatis tuæ et merita supplicum excedis et vota, effunde super nos misericordiam tuam, ut dimittas quæ conscientia metuit, et adicias quod oratione non præsumit. Per.

*Secreta.*

Respice, Domine, quæsumus, nostram propitius servitutem, ut quod offerimus, sit tibi munus acceptum, sit nostræ fragilitati subsidium. Per.

*Post Communionem.*

Sentiamus, Domine, quæsumus, tui perceptione sacramenti subsidium mentis et corporis, ut in utro-

nica X post octa. Pent. vide apud eundem.

<sup>c</sup> Sic et hujus orat. cum lect. Dominicæ II post oct. Pent. concordiam tradit ibidem Berno, et Microl. c. 61.



quæ salvati, cœlestis remedii plenitudine gloriemur. A  
Per.

[*Super populum.*

Tuere, Domine, populum tuum, etc., *ut supra.*]

XXX.

DOMINICA XIII POST PENTECOSTEN.

<sup>a</sup> Omnipotens et misericors Deus, de cuius munere venit, ut tibi a fidelibus tuis digne et laudabiliter serviatur, tribue, quæsumus, nobis, ut ad promissiones tuas sine offensione curramus. Per

*Secreta.*

Hostias, Domine, propitius intende, quas sacris altaribus exhibemus, ut nobis indulgentiam largiendo, tuo nomini dent honorem. Per.

*Post Communionem.*

Vivificet nos, quæsumus, Domine, hujus participatio sancta mysterii, et pariter nobis expiationem tribuat et munimen. Per.

[*Super populum.*

Respice propitius, Domine, etc., *ut supra.*]

XXXI.

DOMINICA XIV POST PENTECOSTEN.

<sup>b</sup> Omnipotens sempiternus Deus, da nobis fidei, spei et charitatis augmentum; et ut mereamur assequi quod promittis, fac nos amare quod præcipis. Per.

*Secreta.*

Propitiare, Domine, populo tuo, propitiare muneribus, ut hac oblatione placatus, et indulgentiam nobis tribuas, et postulata concedas. Per Dominum.

*Post Communionem.*

Sumptis, Domine, cœlestibus sacramentis, ad redemptionis æternæ, quæsumus, proficiamus augmentum. Per.

[*Super populum.*

Protegat, Domine quæsumus, etc., *ut supra.*]

XXXII.

DOMINICA XV POST PENTECOSTEN.

Custodi, Domine, quæsumus, Ecclesiam tuam propitiatione perpetua, et quia sine te labitur universa mortalitas, tuis semper auxiliis abstrahatur a noxiis, et ad salutaria dirigatur. Per.

*Secreta.*

Concede nobis, Domine, quæsumus, ut hæc hostia salutaris, et nostrorum fiat purgatio delictorum, et tuæ propitiatio potestatis. Per Dominum.

*Post Communionem.*

Purificent semper et muniant tua sacramenta nos, Deus, et ad perpetuæ ducant salvationis effectum. Per.

<sup>a</sup> Hujus etiam cum lect. et Antiph. Dominicæ XII post. oct. Pentec.

[*Super populum.*

Conserva, quæsumus, Domine, tuorum corda, etc., *ut supra.*]

XXXIII.

DOMINICA XVI POST PENTECOSTEN.

Ecclesiam tuam, Domine, miseratio continuata mundet et muniat, et quia sine te non potest salva consistere, tuo semper munere gubernetur. Per.

*Secreta.*

Tua nos, Domine, sacramenta custodiant, et contra diabolicos tueantur semper incursus. Per.

*Post Communionem.*

Mentes nostras et corpora possideat, quæsumus, Domine, doni cœlestis operatio, ut non noster sensus **B** in nobis, sed jugiter ævi præveniat effectus. Per.

[*Super populum.*

Conserva, quæsumus, Domine, populum tuum, etc., *ut supra.*]

XXXIV.

DOMINICA XVII POST PENTECOSTEN.

Tua nos, Domine, quæsumus, gratia semper et præveniat et sequatur, ac bonis operibus jugiter præstet esse intentos. Per Dominum nostrum.

*Secreta.*

Munda nos, Domine, sacrificii præsentis effecto, et perfice miseratus in nobis, ut ejus mereamur esse participes. Per Dominum.

*Post Communionem.*

**C** Purifica, Domine, quæsumus, mentes nostras benignus, et renova cœlestibus sacramentis, ut consequenter et corporum præsens, pariter et futurum capiamus auxilium. Per Dominum nostrum.

[*Super populum.*

Familiæ tuæ, etc., *ut supra.*]

XXXV.

DOMINICA XVIII POST PENTECOSTEN.

Da, quæsumus, Domine, populo tuo diabolica vitare contagia, et te solum Dominum pura mente sectari. Per.

*Secreta.*

Majestatem tuam, Domine, suppliciter deprecamur, ut hæc sancta quæ gerimus, et a præteritis nos delictis exuant et futuris. Per Dominum.

*Post Communionem.*

Sanctificationibus tuis, omnipotens Deus, et vitia nostra curentur, et remedia nobis æterna prove-niant. Per.

[*Super populum.*

Exaudi nos, Deus, etc., *ut supra.*]

XXXVI.

DOMINICA XIX POST PENTECOSTEN.

Dirigat corda nostra, Domine, quæsumus, tuæ

<sup>b</sup> Et hujus quoque, cum Evangelio Dominicæ XIII post Pent.

miserationis operatio, quia tibi sine te placere non A legente, sit libera, et in bonis actibus tuo nomini sit  
possumus. Per Dominum nostrum. devota. Per Dominum nostrum.

*Secreta.*

Deus, qui nos per hujus sacrificii veneranda com-  
mercia unius summæque divinitatis participes effi-  
cis, præsta, quæsumus, ut sicut tuam cognoscimus  
veritatem, sic eam dignis mentibus et moribus as-  
sequamur. Per.

*Post Communionem.*

Gratias tibi, Domine, referimus sacro munere ve-  
getati, tuam misericordiam deprecantes, ut dignos  
nos ejus participatione perficias. Per.

*[Super populum.]*

Tempora nostra, quæsumus, Domine, pio favore  
prosequere, et quibus cursum tribuis largiorem, B  
præsta continuum benignus auxilium.]

## XXXVII.

## DOMINICA XX POST PENTECOSTEN.

a Omnipotens et misericors Deus, universa nobis  
adversantia propitiatus exclude, ut mente et corpore  
pariter expediti, quæ tua sunt liberis mentibus ex-  
sequamur. Per.

*Secreta.*

Hæc munera, quæsumus, Domine, quæ oculis tuæ  
majestatis offerimus, salutaria nobis esse concede.  
Per.

*Post Communionem.*

Tua nos, Domine, medicinalis operatio, et a no-  
stris perversitatibus clementer expediat, et tuis fa-  
ciat inhærere mandatis. Per Dominum.

*[Super populum.]*

Famillam tuam, Domine, dextera, etc., ut supra.]

## XXXVIII.

## DOMINICA XXI POST PENTECOSTEN.

b Largire, quæsumus, Domine, fidelibus tuis in-  
dulgentiam placatus et pacem, ut pariter ab omni-  
bus mundentur offensis, et secunda tibi mente de-  
serviant. Per.

*Secreta.*

Cœlestem nobis præbeant hæc mysteria, quæsu-  
mus, Domine, medicinam, et vitia nostri cordis ex-  
purgent. Per Dominum nostrum.

*Post Communionem.*

Ut sacris, Domine, reddamur digni muneribus, D  
fac nos, quæsumus, tuis obedire mandatis. Per Do-  
minum.

*[Super populum.]*

Protector in te sperantium, etc., ut supra.]

## XXXIX.

## DOMINICA XXII POST PENTECOSTEN.

c Familiam tuam, quæsumus, Domine, continua  
pietate custodi, ut a cunctis perversitatibus, te pro-

a Etiam hujus orat., concordiam cum lect. et  
Antiph. Domin. X. post Pent. vide apud Ber. loc.  
sæpe cit.

b Idem istius cum lect. et Antip. Dominic. XX  
post octav. Pent.

legente, sit libera, et in bonis actibus tuo nomini sit  
devota. Per Dominum nostrum.

*Secreta.*

Suscipe, Domine, propitius hostias, quibus et te  
placari voluisti, et nobis salutem potenti pietate  
restitui. Per Dominum.

*Post Communionem.*

Immortalitatis alimoniam consecuti, quæsumus,  
Domine, ut quod ore percepimus, mente sectemur.  
Per.

*[Super populum.]*

Da populo tuo, quæsumus, Domine, etc., ut supra.]

## XL.

## DOMINICA XXIII POST PENTECOSTEN.

d Deus, refugium nostrum et virtus, adesto piis  
Ecclesiæ tuæ precibus auctor ipse pietatis, et præsta,  
ut quod fideliter petimus, efficaciter consequamur.  
Per.

*Secreta.*

Da misericors, Deus, ut hæc salutaris oblatio, et  
a propriis nos reatibus indesinenter expediat, et ab  
omnibus tueatur adversis. Per Dominum.

*Post Communionem.*

Sumpsimus, Domine, sacri dona mysterii, humi-  
liter deprecantes, ut quæ in tui commemoratione nos  
facere præcepisti, in nostræ proficiant infirmitatis  
auxilium. Per Dominum.

*[Super populum]*

Exaudi nos, Domine Deus noster, et Ecclesiam  
C tuam inter mundi turbines fluctuantem, clementi  
gubernatione moderare. Per Dominum.]

## XLI.

## e DOMINICA XXIV POST PENTECOSTEN.

Excita, Domine, quæsumus, tuorum fidelium vo-  
luntates, ut divini operis fructum propensius exse-  
quentes, pietatis tuæ remedia majora percipiant,  
Per Dominum nostrum.

*Secreta.*

Propitius esto, Domine, supplicibus tuis, et populi  
tui oblationibus precibusque susceptis, omnium no-  
strorum ad te corda converte, ut a terrenis cupidi-  
tatibus liberi, ad cœlestia desideria transeamus. Per  
Dominum nostrum.

*Post Communionem.*

Concede nobis, Domine, quæsumus, ut sacramenta  
quæ sumpsimus, quidquid in nostra mente vitio-  
sum est, ipsius medicationis dono curetur. Per Do-  
minum.

## XLII.

## MISSA QUOTIDIANIS DIEBUS.

Perpetua, quæsumus, Domine, pace custodi, quos  
in te sperare donasti. Per Dominum nostrum.

c Hujus quoque cum lect. et Antiph. Domi-  
nicæ XXI post octav. Pent.

d Hujus denique cum lect. et Antiph. Dominicæ  
XXII concordiam tractat Ber. loco cit.

e Lego Dominica XXIII post octavam Pentecostes,  
uti etiam supra adnotatum est.

*Alia.*

Adesto nobis misericors Deus, et tuæ pietatis in nobis propitius dona concede. Per.

*Secreta*

Adesto nobis, quæsumus, Domine, et preces nostras benignus exaudi, ut quod fiducia non habet meritorum, placatio obtineat hostiarum. Per.

*Post Communionem.*

Mysteria sancta nos, Domine, et spiritualibus expleant alimentis, et corporalibus tueantur auxiliis. Per.

## XLIII.

## ITEM ALIA MISSA.

Exaudi nos, miserator et misericors Deus, et continentæ salutaris propitius nobis dona concede. Per Dominum nostrum.

*Super oblata*

Hostias, quæsumus, Domine, suscipe placatus oblatas, quæ et te sanctificando nobis efficiantur salutare. Per.

*Post Communionem.*

Sancta tuæ nos, Domine, quæsumus, et a peccatis exuant, et cœlestis vitæ vigore confirmant. Per.

## XLIV.

## ITEM ALIA MISSA.

Quæsumus, omnipotens Deus, ut plebs tua toto tibi corde deserviens, et beneficia tua jugiter mereatur et pacem. Per.

*Super oblata.*

Suscipe, quæsumus, Domine, hostiam redemptionis humanæ, et salutem nobis mentis et corporis operare placatus. Per.

*Post Communionem.*

Da, quæsumus, omnipotens Deus, ut mysteriorum virtute satiati, vita nostra firmetur. Per.

## XLV.

## ITEM ALIA MISSA.

Rege nostras, Domine, propitius voluntates, ut nec propriis iniquitatibus implicentur, nec subdantur alienis. Per.

*Secreta.*

Tua sacramenta nos, Deus, circumtegant et reforment, simulque nobis temporale remedium conferant et æternum. Per.

*Post Communionem.*

Tua sancta nobis, omnipotens Deus, quæ sumpsimus, et indulgentiam præbeant, et auxilium perpetuæ defensionis impendant. Per.

## XLVI.

## ALIA MISSA.

Comprime, Domine, quæsumus, noxios semper incursus, et salutarem temporibus nostris propitius da quietem. Per.

*Secreta.*

In tuo conspectu, Domine, quæsumus, talia nostra sint munera, quæ et placare te valeant, et nos tibi placere perficiant. Per Dominum nostrum.

## A

*Post Communionem.*

Quotidiani, Domine, quæsumus, munera sacramenti ad perpetuam nobis tribue salutis augmentum. Per Dominum.

## ITEM ALIA MISSA

Ab omnibus nos defende, quæsumus, Domine, semper adversis et continuis tuere præsidii. Per.

*Secreta.*

Offerimus tibi, Domine, munera quæ dedisti, ut et creationis tuæ circa mortalitatem nostram, testificentur auxilium, et remedium nobis immortalitatis operentur. Per.

*Post Communionem.*

Quod ore sumpsimus, Domine, mente capiamus, et de munere temporali, fiat nobis remedium sempiternum. Per Dominum.

*Alia.*

Conservent nos, quæsumus, Domine, munera tua, et æternam vitam tribuant nobis deprecantibus. Per Dominum.

## XLVII.

## IN NATALE UNIUS APOSTOLI.

*Oratio, Secreta, et Post Communionem, ut supra in Vigilia S. Andreae.*

*[Super populum.]*

Exaudi, Domine, populum tuum, cum sancti apostoli tui N. patrocinio supplicantem, ut tuo semper auxilio securi tibi possit devotione servire. Per Dominum.

*Ad Vesperos.*

Deus, qui nos B. apostoli tui N. annua solemnitate lætificas, concede propitius, ut cujus natalis colimus, etiam actione imitemur. Per Dominum.]

## XLVIII.

## IN NATALE PLURIMORUM APOSTOLORUM.

Deus, qui nos annua apostolorum tuorum N. et N. solemnitate lætificas, præsta, quæsumus, ut quorum gaudemus meritis, instruamur exemplis. Per Dominum nostrum Jesum Christum.

*Secreta.*

Munera, Domine, quæ pro apostolorum tuorum N. et N. solemnitate deferimus, propitius suscipe, et mala omnia quæ meremur averte. Per.

## D

*Post Communionem.*

Quæsumus, Domine, salutaribus repleti mysteriis, ut quorum solemnia celebramus, eorum orationibus adjuvemur. Per.

*[Super populum.]*

Deus, qui ligandi solvendique licentiam tuis apostolis contulisti, da, quæsumus, ut per ipsos a terrenis vitiis expediti, liberi possimus cœlestibus interesse mysteriis. Per Dominum.

*Ad Vesperos.*

Esto, Domine, plebi tuæ sanctificator et custos, ut apostolicis munita præsidii, et conversatione tibi placeat, et securi deserviat. Per Dominum.]

## XLIX.

## IN NATALE UNIUS MARTYRIS.

Præsta, quæsumus, omnipotens Deus, ut qui B. N. martyris tui natalitia colimus, ejus intercessione in tui nominis amore robaremur. Per.

*Super oblata.*

Muneribus nostris, quæsumus, Domine, precibusque susceptis, et cœlestibus nos munda mysteriis, et clementer exaudi. Per Dominum.

*Post Communionem.*

Da, quæsumus, Domine Deus noster, ut sicut tuorum commemoratione sanctorum, temporali gratulamur officio, ita perpetuo lætemur aspectu. Per Dominum.

*[Super populum.]*

Plebs tua, Domine, sancti martyris tui N. te glorificatione magnificet, et eodem semper precante, te mereatur habere rectorem. Per Dominum.

*Ad Vesperos.*

Deus, qui nos B. martyris tui N. confessione gloriosa circumdas et protegis, da nobis, quæsumus, ejus imitatione proficere, et oratione gaudere. Per Dominum.]

## L.

## IN NATALE PLURIMORUM MARTYRUM.

Deus, qui nos concedis sanctorum martyrum tuorum, et N. N. natalitia colere, da nobis in æterna beatitudine de eorum societate gaudere. Per.

*Secreta.*

Munera tibi, Domine, nostræ devotionis offerimus, quæ et pro tuorum tibi grata sint honore justorum, et nobis salutaria, te miserante, reddantur. Per.

*Post Communionem.*

Præsta nobis, Domine, quæsumus, intercedentibus sanctis tuis N. et N. ut quæ ore contingimus, pura mente capiamus. Per.

*[Super populum.]*

Adesto, Domine, populo tuo cum sanctorum tuorum patrocinio supplicanti; ut quod propria fiducia non præsumit, suffragantium meritis consequatur. Per Dominum.

*Ad Vesperos.*

Concede, quæsumus, omnipotens Deus, ut sanctorum martyrum tuorum N. quorum celebramus victorias, participemur et præmiis. Per Dominum.]

## LI.

## IN NATALE UNIUS CONFESSORIS.

Da, quæsumus, omnipotens Deus, ut B. N. confessoris tui veneranda solemnitas, et devotionem vobis augeat, et salutem. Per.

*Secreta.*

Sancti tui nos, quæsumus, Domine, ubique lætificent, ut dum eorum merita recolimus, patrocinia sentiamus. Per.

*Post Communionem.*

Præsta, quæsumus, omnipotens Deus, ut de per-

A ceptis muneribus gratias exhibentes, beneficia potiora sumamus. Per.

*[Super populum.]*

Plebs tua, Domine, lætetur tuorum semper in honore sanctorum, ut eorum percipiat intercessione votiva subsidia, quorum patrociniis sublevatur.

*Ad Vesperos.*

Sancti confessoris tui N. nos quæsumus, Domine, tuere præsidii, et ejus semper intercessionibus adjuvemur. Per Dominum.]

## LII.

## IN NATALE PLURIMORUM CONFESSORUM.

Deus, qui nos sanctorum tuorum N. et N. confessionibus gloriosis circumdas et protegis, da nobis in eorum imitatione proficere, et intercessione gaudere. Per Dominum nostrum.

*Super Oblata.*

Suscipe, Domine, preces et munera, quæ ut tuo sint digna conspectui, sanctorum tuorum precibus adjuvemur. Per Dominum.

*Post Communionem.*

Corporis sacri et pretiosi sanguinis repleti libamine, quæsumus, Domine Deus noster, ut quod pia devotione gerimus, certa redemptione capiamus. Per.

*[Super populum.]*

Tuere, quæsumus, Domine, populum tuum, et mystica jugiter participatione renovatum, et continua sanctorum confessorum supplicatione protectum. Per Dominum.

*Ad Vesperos.*

Sanctorum confessorum tuorum nos, Domine, quæsumus, foveat pretiosa confessio, et pia jugiter intercessio tueatur. Per Dominum.]

## LIII.

## IN NATALE UNIUS VIRGINIS.

Deus, qui inter cætera, etc., ut supra in festo sanctæ Agathæ.

*Alia*

Indulgentiam nobis, Domine, B. N. martyr imploret, quæ tibi grata semper exstitit et merito castitatis et tuæ professione virtutis. Per.

*Secreta.*

Suscipe munera, Domine, quæ in beatæ N. martyris tuæ solemnitate deferimus, cujus nos scimus patrocinio liberari. Per.

*Post Communionem.*

Auxilientur nobis, Domine, sumpta mysteria, et intercedente beata N. martyre tua, sempiterna protectione confirmet. Per Dominum.

*[Super populum.]*

Adsit plebi tuæ, omnipotens Deus, beatæ virginis tuæ N. supplicatio, ut cujus honoribus gloriatur, protegatur auxilio. Per Dominum.

*Ad Vesperos.*

Omnipotens sempiternus Deus, misericordiam tuam ostende supplicibus, ut qui de meritorum nostrorum

qualitate diffidimus, intercedente beata N. virgine tua, non iudicium tuum, sed indulgentiam sentiamus. Per Dominum.]

## LIV.

## AD POSCENDA SUFFRAGIA SANCTORUM

Concede, quæsumus, omnipotens Deus, ut intercessio nos sanctæ Dei genitricis Mariæ, sanctorum que omnium apostolorum, et confessorum, et omnium electorum tuorum ubique lætificet, ut dum eorum merita recolimus, patrocinia sentiamus. Per.

*Secreta.*

Oblatis, Domine, placare muneribus, et intercedentibus omnibus sanctis tuis, a cunctis nos defende periculis. Per Dominum.

*Post Communionem.*

Sumpsimus, Domine, sanctorum tuorum solennia celebrantes, sacramenta cœlestia; præsta, quæsumus, ut quod temporaliter gerimus, æternis gaudiis consequamur. Per Dominum.

## LV.

## AD CLERICUM FACIENDUM.

*Oratio.*

• Oremus, dilectissimi fratres, Dominum nostrum Jesum Christum pro hoc famulo suo N., qui ad deponendam comam capitis sui, pro ejus amore festinat, ut donet ei Spiritum sanctum, qui habitum religionis in eo perpetuum conservet, et a mundi impedimento vel sæculari desiderio cor ejus defendat, ut sicut immutatur in vultu, ita manus dextera ejus ei virtutis tribuat incrementa, et ab omni cæcitate humana oculos ejus aperiat, et lumen ei æternæ gratiæ concedat. Qui vivit et regnat.

*Item alia.*

Adesto, Domine, supplicationibus nostris. et hunc famulum tuum N. benedicere dignare, cui in tuo sancto nomine habitum sacræ religionis imponimus, ut, te largiente, et devotus in Ecclesia persistere, et vitam percipere mereatur æternam. Per.

*Dum tonsis eum, dicis :*

ANT. Tu es, Domine, qui restitues hæreditatem meam. V. Dominus pars hæreditatis meæ. Et : Gloria Patri. ANT. Hæc est generatio. Et : Gloria Patri.

*Oratio post tonsionem.*

Præsta, quæsumus, omnipotens Deus huic famulo tuo N. cujus hodie capitis comam pro divino amore deposuimus, ut in tua dilectione perpetua maneat, et eum sine macula in sempiternum custodias. Per.

## LVI.

## BENEDICTIO VESTIUM VIRGINIS VEL VIDUÆ.

Deus, qui vestimentum salutare et indumentum æternæ jucunditatis tuis fidelibus promisisti, clementiam tuam suppliciter exoramus, ut hæc indumenta humilitatem cordis et contemptum mundi si-

• Hanc orationem habes in Ordine Romano, page 86.

• Benedictionem hanc et consecrationem videre

gnificantia, quibus famula tua N. sancto visibiliter est informanda proposito, propitius benedicas, et beatæ castitatis habitum, quem, te inspirante, suscepit, te protegente, custodiat. Per Dominum nostrum Jesum Christum.

*Alia.*

Deus, honorum virtutum dator, et omnium benedictionum largus infusor, exaudi preces nostras, et hanc vestem quam famula tua N. pro conservando castitatis signo se ad operiendam exposcit, benedicere et sanctificare digneris.

## • BENEDICTIO VIRGINIS, AB EPISCOPO DICENDA.

Respice, Domine propitius super hanc famulam tuam N. ut sanctæ virginitatis propositum, quod te inspirante suscepit, te gubernante custodiat. Per.

*Consecratio.*

Deus, castorum corporum benignus inhabitator, et incorruptarum amator animarum, respice super hanc famulam tuam N. quæ tibi devotionem suam offert, a quo et ipsa idem votum assumpsit. Sit in ea, Domine, per donum Spiritus tui, prudens modestia, sapiens benignitas, gravis lenitas, casta libertas; ferveat in charitate, et nihil extra te diligat, laudabiliterque vivat, et laudari non appetat: te timeat, tibi amore serviat, tu ei honor, tu gaudium, tu in mœrore solatium, tu in ambiguitate consilium, tu in injuria defensio, in tribulatione patientia, in paupertate abundantia, in jejunio cibus, in infirmitate sis medicina. Per te, quem diligere super omnia appetit, quod est professa, custodiat, ut et hostem antiquum devincat, et vitiorum squallores expurget. Quatenus centesimi fructus dono virginitatis decorari, virtutumque lampadibus exornari, et in electarum tuarum virginum consortium te donante, mereatur uniri. Per.

## • LVII.

## BENEDICTIO ALTARIS.

Deprecamur misericordiam tuam, omnipotens æterne Deus, ut hoc altare sacrificiis spiritalibus consecrandum, vocis nostræ exorandus officio, præsentis benedictione sanctifices, ut in eo semper oblationes famulorum tuorum studio suæ devotionis impositas, benedicere et sanctificare digneris, et spiritali placatus incenso, precanti familiæ tuæ promptus exauditor assistas. Per.

## LVIII.

## CONSECRATIO ALTARIS.

Deus omnipotens, in cujus honore hoc altare sæpe invocatione tui nominis consecramus, clemens et propitius preces nostræ humilitatis exaudi et præsta, ut in hac mensa sint tibi libamina accepta, sint grata, sint pingua, et Spiritus sancti tui semper rore perfusa, ut omni tempore in hoc loco supplicantis familiæ tuæ anxietates releves, ægritudines

est etiam in ordine Romano, pag. 142, quomodo sequentia pleraque.

cures, preces exaudias, vota suscipias, desiderata A  
confirmes, postulata concedas. Per Dominum.

## LIX.

## AD CONSECRANDAM PATENAM.

Consecramus et sanctificamus hanc patenam, ad  
conficiendum in ea corpus Domini nostri Jesu Christi,  
patientis crucem pro omnium nostra salute. Qui  
cum Patre.

*Deinde facis signum crucis de oleo sancto super pa-  
tenam, et benedic his verbis:* Consecrare et sancti-  
ficare digneris, Domine, patenam hanc per istam  
unctionem, et nostram benedictionem in Christo  
Jesu Domino nostro. Qui tecum.

## LX.

## AD CALICEM BENEDICENDUM.

Dignare, Domine Deus noster, calicem istum, in  
usum ministerii tui pia devotione formatum, ea san-  
ctificatione perfundere, qua Melchisedech famuli tui  
sacratum calicem perfudisti: et quod arte vel me-  
tallo effici non potest, altaribus tuis dignum, fiat  
tua benedictione pretiosum atque sanctificatum.  
Per.

## LXI.

## ORATIO IN DEDICATIONE FONTIS.

Omnipotens sempiternae Deus, hoc baptisterium  
cœlesti visitatione dedicatum, Spiritus tui illustra-  
tione sanctifica, ut quoscunque fons iste lavaturus  
est, trina ablutione purgati, indulgentiam omnium  
delictorum tuo munere consequantur. Per.

## Alia.

Multiplica, Domine, benedictionem tuam, et Spi-  
ritus tui munere fidem nostram corrobora, ut qui in  
hæc fluenta descenderint, in libro vitæ ascribi me-  
reantur. Per Dominum.

## LXII.

## MISSA IN ANNIVERSARIO DEDICATIONIS BASILICÆ.

Deus qui per singulos annos hujus sancti templi  
tui consecrationis reparas diem, et sacris semper  
mysteriis repræsentas incolumes: exaudi preces  
populi tui, et præsta, ut quisquis hoc templum bene-  
ficia petiturus ingreditur, cuncta se impetrasse læ-  
tetur. Per.

## Secreta.

Anue, quæsumus, Domine, precibus nostris, ut  
quicumque intra templi hujus, cujus anniversarium  
Dedicationis diem celebramus, ambitum continemur,  
plena tibi atque perfecta corporis et animæ devo-  
tione placeamus, ut dum hæc præsentia vota red-  
dimus, ad æterna præmia, te adjuvante, venire me-  
reamur. Per Dominum.

## Ad Complendum.

Deus, qui Ecclesiam tuam sponsam vocare digna-  
tus es, ut quæ haberet gratiam per fidei devotio-  
nem, haberet etiam ex nomine pietatem, da ut om-  
nis hæc plebs nomini tuo serviens, hujus vocabuli  
consortio digna esse mereatur, et Ecclesia tua in  
templo, cujus anniversarius Dedicationis dies cele-

bratur, tibi collecta, te timeat, te diligat, te sequa-  
tur, ut dum jugiter per vestigia tua graditur, ad cœ-  
lestia promissa, te ducente, pervenire mereatur.  
Qui vivis.

## Super populum.

Deus, qui de vivis et electis lapidibus æternum  
majestati tuæ condidisti habitaculum, auxiliare populo  
supplici, ut quod ecclesiæ tuæ corporalibus proficit  
spatiis, spiritalibus amplificetur augmentis. Per  
Dominum.

## LXIII.

## PRO REGIBUS.

Deus, regnorum omnium et Christiani maxime  
protector imperii, da servis tuis regibus nostris N.  
et N. triumphum virtutis tuæ scienter excolere, ut  
qui tua constitutione sunt principes, tuo semper  
munere sint potentes. Per Dominum nostrum.

## Secreta.

Suscipe, Domine, preces et hostias Ecclesiæ tuæ,  
pro salute famulorum tuorum N. et N. supplicantis,  
et in protectione fidelium populorum antiqua brachii  
tui operare miracula, ut, superatis pacis inimicis,  
secura tibi serviat Christiana libertas. Per Dominum  
nostrum.

## Infra actionem.

Hanc igitur oblationem famuli tui N. quam tibi  
ministerio officii sacerdotalis offerimus, pro eo quod  
in ipso potestatem imperii conferre dignatus es,  
propitius et benignus assume, et exoratus nostra ob-  
secratione, concede, ut majestatis tuæ protectione  
confidens, et ævo augeatur et regno. Per Dominum.

## Post Communionem.

Deus, qui ad prædicandum æterni regis Evan-  
gelium, Romanum imperium præparasti, prætende  
famulis tuis N. principibus nostris arma cœlestia,  
ut pax Ecclesiarum nulla turbetur tempestate bello-  
rum. Per Dominum nostrum.

## LXIV.

## MISSA QUOTIDIANA PRO REGE.

Quæsumus, omnipotens Deus, ut famulus tuus N.,  
qui tua miseratione suscepit regni gubernacula, vir-  
tutum etiam omnium percipiat incrementa, quibus  
decenter ornatus, et vitiorum monstra devitare, et  
ad te, qui via, veritas et vita es, gratus valeat  
pervenire. Per Dominum.

## Secreta.

Munera, Domine, quæsumus, oblata sanctifica, ut  
et nobis Unigeniti tui corpus et sanguis fiant, et illi  
ad obtinendam animæ corporisque salutem, et per-  
agendum injunctum officium, te largiente, usquequa-  
que proficiant. Per.

## Ad Complendum.

Hæc, Domine, oratio salutaris famulum tuum N.  
ab omnibus tueatur adversis, quatenus et ecclesia-  
sticæ pacis obtineat tranquillitatem, et post istius  
temporis decursum ad æternam perveniat hæredita-  
tatem. Per.

## LXV.

MISSA TEMPORE SYNODI PRO REGE DICENDA.

Omnipotens sempiternæ Deus, qui famulum tuum N. regni fastigio dignatus es sublimare, tribue ei, quæsumus, ut ita in præsentī collecta multitudine cunctorum in commune salutem disponat, quatenus a tuæ veritatis tramite non recedat. Per.

*Secreta.*

Concede, omnipotens Deus, his salutaribus sacrificiis placatus, ut famulus tuus N. ad peragendum regalis dignitatis officium, inveniatur semper idoneus, et cœlestis patriæ gaudiis reddatur acceptus. Per Dominum nostrum.

*Ad Complendum.*

Hæc, Domine, salutaris sacrificii perceptio famuli tui N. peccatorum maculas diluat, et ad regendum secundum tuam voluntatem populum idoneum reddat, ut hoc salutari mysterio contra visibiles hostes reddatur invictus, per quod mundus est divina dispensatione redemptus. Per Dominum.

## LXVI.

MISSA SPECIALIS SACERDOTIS.

Omnipotens sempiternæ Deus, tuæ gratiæ pietatem supplici devotione deosco, ut omnium malorum meorum vincula solvat, cunctisque meis criminibus et peccatis clementer ignoscas, et quia me indignum et peccatorem, ad ministerium tuum vocare dignatus es, sic me idoneum tibi ministrum efficias, ut sacrificium de manibus meis placide ac benigne suscipias, electorumque sacerdotum me participem facias, et de præceptis tuis in nullo me oberrare permittas. Per Dominum nostrum.

*Super oblata.*

Deus, qui te præcipis a peccatoribus exorari, tibi que sacrificium contriti cordis offerre, hoc sacrificium quod indignis manibus meis offero, acceptare dignare, et. ut ipse tibi hostia et sacrificium esse merear, miseratus concede, quo per ministerii hujus exhibitionem, peccatorum omnium percipiam remissionem. Per.

*Præfatio.*

D. et justum est, usque æternæ Deus. Qui dissimulatis humanæ fragilitatis peccatis sacerdotii dignitatem concedis indignis, et non solum peccata dimittis, verum etiam ipsos peccatores justificare digneris. Cujus est muneris, ut non solum existentia sumant exordia, exorta nutrimentum, nutrita fructum, fructuosa perseverandi auxilium. Qui me non existentem, creasti; creatum, fidei firmitate ditasti; fidelem, quamvis peccatis squalentem, sacerdotii dignitate donasti. Tuam igitur omnipotentiam suppliciter exposco, ut me a præteritis peccatis emacules, in mundi hujus cursu in bonis operibus corroboret, et in perseverantiæ soliditate confirmes. Sicque me facias tuis altaribus deservire, ut ad eorum qui tibi placuerunt, sacerdotum consortium valeam pervenire. Et per eum tibi sit meum acceptabile votum,

A qui se tibi obtulit in sacrificium, qui est omnium opifex, et solus sine peccati macula pontifex, Jesus Christus, Dominus noster; Per quem majestatem.

*Ad Complendum.*

Hujus mihi, Domine, sacramenti perceptio, sit peccatorum remissio, et tuæ pietatis optata propitiatio, ut per hæc, te opitulante, efficiar sacris mysteriis dignus, quæ de tua pietate confisus, frequentare præsumo indignus. Per.

## LXVII.

ITEM ALIA MISSA SACERDOTIS SPECIALIS.

Deus, fons bonitatis et pietatis origo, qui peccatorem non statim judicas, sed ad pœnitentiam miseratus exspectas, te quæso, ut facinorum meorum squalores abstergas, et me ad peragendum injunctum officium, dignum efficias; ut qui altaris tui ministerium suscepi indignus, perago trepidus, ad peragendum reddar strenuus, et inter eos qui tibi placuerunt, inveniari justificatus. Per Dominum nostrum Jesum.

*Super Oblata.*

Sacrificii præsentis, quæso, Domine, oblatio mea purget facinora, per quod totius mundi voluisti relaxari peccata; illiusque frequentatione efficiar dignus, quod ut frequentarem, suscepi indignus. Per Dominum nostrum.

*Præfatio.*

D. et justum est, usque æternæ Deus. Qui dum libenter nostræ pœnitentiam satisfactionem suscipis, ipse tuo judicio, quod erramus abscondis: et præterita peccata nostra dissimulas, ut nobis sacerdotii dignitatem concedas. Tuum est enim, me ad ministrandum altari tuo dignum efficere, quem ad peragendum id officium, indignum dignatus es promoveri. Ut præteritorum actuum meorum mala obliviscens, præsentium ordinem in tua voluntate disponens, futuris custodiam imponens, per eum vitiorum squaloribus expurger, virtutum nutrimentis exoner, eorum sacerdotum consortio qui tibi placuerunt, aduneri, quem constat esse verum summumque pontificem, solumque sine peccati contagio sacerdotem Jesum Christum Dominum nostrum. Per quem.

*Ad Complendum.*

Hujus, Domine, perceptio sacramenti, peccatorum meorum maculas tergat, et ad peragendum injunctum officium me idoneum reddat. Per.

*Alia.*

Deus, cujus arbitrio omnium sæculorum ordo decurrit, respice propitius ad me famulum tuum, quem ad ordinem presbyteratus promoveri dignatus es, et ut tibi mea servitus placeat, tua in me misericorditer dona conserva. Per Dominum nostrum.

*Secreta.*

Perfice, Domine, quæsumus, benignus in nobis, ut quæ sacris mysteriis profitemur, piis actionibus exsequamur. Per Dominum.

*Infra actionem.*

Hanc igitur oblationem servitutis meæ quam tibi offero ego tuus famulus et sacerdos, pro eo quod me eligere dignatus es in ordine presbyterii, ut sacrificiis tuis ac divinis altaribus deservirem. Pro hoc reddo tibi vota mea Deo vero et vivo, majestatem tuam suppliciter implorans, ut opera manuum tuarum in meipso custodias, et idoneum me per omnia ministrum tuæ voluntatis efficias. Per Christum.

*Ad Complendum.*

Munerum tuorum, Domine, largitatem sumentes, supplices deprecamur, ut quibus donasti hujus ministerii servitutem exsequendi, gratiæ tuæ tribuas facultatem. Per Dominum nostrum.

## ITEM ALIA.

Fac me, quæso, omnipotens Deus, ita justitia indui, ut in sanctorum tuorum merear exultatione lætari, quatenus emundatus ab omnibus sordibus peccatorum, consortium adipiscar tibi placentium sacerdotum, meque tua misericordia a vitiis omnibus exuant, quem reatus propriæ conscientiæ gravat. Per.

*Secreta.*

Deus misericordiæ, Deus charitatis, Deus indulgentiæ, indulge, quæso, et miserere mei; sacrificium, quod pietatis tuæ gratiæ pro peccatis meis humiliter offero, benigne suscipere digneris; et peccata, quæ libentibus vitiis contraxi, pius et propitius ac miseratus indulgeas, et locum pœnitentiæ ac flumina lacrymarum concessa veniam a te merear accipere. Per.

*Præfatio.*

D. et justum est, usque, æterne Deus. Et clementiam tuam humiliter implorare, ut facturam tuam non despicias, nec ab inimicis tribulari permittas. Scio enim me graviter deliquisse, et præceptis tuis minime obedisse. Ideo humiliter obsecro, gratiam tuam, Domine, mihi semper consolatricem adhibeas, et misericordiam tuam regibus factricem apponas. Unde exposco pietatem tuam magnam, ut mea dimittas peccata, quia plus valet misericordia tua ad erigendum, quam fallacia inimici ad decipiendum. Miserere mei, Domine, secundum magnam misericordiam tuam, ut unde erubesco, tu indulgeas, et ea quæ gessisse me pœnitet clementer ignoscas. Per.

*Infra actionem.*

Hanc igitur oblationem, quam tibi offero ego famulus tuus, tu, clementissime Pater, libenter excipias, deprecor; orationesque meas dignanter intendas, tribulationes cordis mei misericorditer auferas, placabilis vota suscipias, libens desideria compleas, clemens peccata dimittas, crimina benignus abstergas, flagella propitius redimas, languores miseratus excludas, serenissimo vultu petitionibus meis accommodas, gratiam tuam mihi multipliciter angeas, et misericordiam tuam incessabiliter largiaris, disce.

A

*Post Communionem.*

Deus charitatis et pacis, qui pro salute generis humani crucis patibulum sustulisti [sustinuisti], et sanguinem tuum pro redemptione nostra fudisti. preces nostras placatus et benignus suscipe, et misericordiam tuam mihi concede, ut cum de corpore me exire jusseris, pars iniqua in me non habeat potestatem, sed angelus tuus sanctus inter sanctos et electos tuos collocet, ubi lux permanet, et vita regnat. Per.

## ITEM ALIA.

Suppliciter te, piissime Deus, Pater omnipotens, qui es creator omnium rerum, deprecor, ut dum me famulum tuum coram omnipotentia majestatis tuæ graviter deliquisse confiteor, manum misericordiæ tuæ mihi porrigas; quatenus dum hanc oblationem ante potentiam tuæ majestatis offero, quod nequiter admisi, clementissime digneris absolvere. Per.

*Lectio Jeremiæ prophetæ.*

In diebus illis dixit Jeremias: Domine, omnes qui te derelinquunt, confundentur; recedentes a te, in terra scribentur. Quoniam dereliquerunt venam aquarum viventium Dominum. Sana me, Domine, et sanabor; salvum me fac et salvus ero, quoniam laus mea tu es, Domine Deus meus.

*Lectio sancti Evangelii secundum Joannem.*

In illo tempore dixit Jesus discipulis suis: Si manseritis in me, et verba mea in vobis manserint, quodcumque volueritis petetis, et fiet vobis.

C

*Super Oblata.*

Tibi, Domine Deus meus, meæ devotionis hostias immolo: hoc oro, pariterque deprecor clementiam tuam, ut me sacrificium tuum mortificatione vitæ carnalis effectum, in odorem suavitatis accipias, et moribus quibus professio mea congruit, instituas. Ut quem sanctæ compunctionis ardore ab hominum cæterorum proposito segregasti, etiam a conversatione carnali, atque ab immunditia actuum terrenorum, infusa mihi cœlestis sanctitate, discernas, ut omnia terrena despicias, cœlestiam appetam. Per.

*Præfatio.*

D. et justum est, usque, æterne Deus. Qui pro amore hominum factus in similitudinem carnis peccati, formam servi Dominus assumpsit, et in specie vulnerati, medicus ambulavit. Hic nobis Dominus et minister salutis, advocatus et iudex, sacerdos et sacrificium. Per hunc te, Domine sancte Pater, suppliciter exoro, ut dum reatum consociatiæ meæ recognosco, quod in præceptis tuis prævaricator exstiti, et per delictorum facinus corruvi in ruinam. Tu me, Domine, erige, quem lapsus peccati prostravit; illumina cæcum, quem terræ peccatorum caligines obscuraverunt; solve compeditum, quem vincula peccatorum constringunt. Præsta per sanctum et gloriosum et adorandum Dominum nostrum Jesum Christum, Filium tuum, quem laudant angeli, adorant dominationes, tremunt potestates.



*Infra actionem.*

Hanc igitur oblationem quam tibi, Domine, offero pro peccatis meis minus atque offensionibus, majestatem tuam totis viribus humili prece depono, Deus piissime, dignanter suscipas, exorans ut dimittas crimina quæ fragilitate carnis atque tentatione iniquorum spirituum nequiter admisi; et jam reverti me ad ea non sinas ultra, sed confirma me in justificationibus tuis, et perseverantiam mihi tribue in illis, et fac me dignum ante conspectum tuum astare, et sacrificium tibi Domino mundo corde et casto corpore digne offerre, diesque nostros.

*Post Communionem.*

Omnipotens sempiternæ Deus, Jesu Christe Domine, esto propitius peccatis meis, per assumptionem corporis et sanguinis tui, et per intercessionem sancti tui N. Tu enim loquens dixisti: *Qui manducat carnem meam, et bibit sanguinem meum, ipse in me manet, et ego in eo.* Ideo te suppliciter deprecor, ut in me cor mundum crees, et spiritum rectum in visceribus meis innoves, et spiritu principali me confirmare digneris, atque ab omnibus insidiis diaboli atque vitiis emundes, ut gaudiis cælestibus merear esse particeps. Qui cum Patre.

## ITEM ALIA.

Deus sub cujus oculis omne cor trepidat, omnes conscientiarum pavescunt, respice propitius ad preces conscientiarum mei, ut sicut me, nullis præcedentibus meritis, in loco hujus servitutis tuæ sacris fecisti assistere altaribus, ita secundum multitudinem miserationum tuarum da indulgentiam peccatorum meorum, ut mea fragilitas, quæ per se proclivis est ad labendum, per te semper reparetur ad veniam. Per.

*Secreta.*

Hostias tibi, Domine, placationis et laudis pro venia delictorum meorum, offero ego indignus famulus tuus, obsecrans misericordiam tuam ut ab occultis me reatibus emundes clementer, et a manifestis convenienter expurges. Per Dominum.

*Præfatio.*

D. et justum est, usque, æterne Deus. Cujus omnipotentia laudanda, pietas amplectenda, misericordia est exoranda; cujus etiam pietatem humiliter imploramus ut cunctorum nobis remissionem tribuas peccatorum, actusque nostros in voluntate tua dirigere, nosque a cunctis malis digneris eripere; quatenus ab omnibus adversitatibus tua opitulatione defendi, et in bonis omnibus confirmari, et præsentem vitam sub tua gubernatione inculpabiliter transigere, et ad æternam, largiente te, feliciter pervenire valeamus. Per Christum.

*Post Communionem.*

Deus, qui me indignum sacris mysteriis, corpore et sanguine dilectissimi Filii tui Domini nostri Jesu Christi, confortare dignatus es, humiliter obsecro misericordiam tuam ut non sit ad judicium animæ meæ: præsta, quæso, Domine, indulgentiam mihi

A peccatori, gratiam, quam mea non exigunt merita; porrigere manum pietatis tuæ mihi lapso, et aperi mihi peccatori januam regni tui cælestis, per quam, te tribuente, merear ingredi in requiem sempiternam. Per eundem.

## ITEM ALIA.

Omnipotens sempiternæ Deus, qui me peccatorem sacris altaribus astare voluisti, et sancti nominis tui laudare potentiam; concede, quæso, per hujus sacramenti mysterium, meorum mihi veniam peccatorum, ut tuæ majestati digne ministrare merear. Per.

*Super Oblata.*

Da, quæsumus, clementissime Pater, per hujus oblationis mysterium, meorum mihi veniam peccatorum, ut non ad judicium animæ meæ, sed ad indulgentiam, hujus presbyteratus ordo mihi proficiat sempiternam. Per Dominum.

*Præfatio.*

D. et justum est, usque, æterne Deus. Qui septiformis ecclesiasticæ dignitatis gradus septuplici dono sancti Spiritus decorasti, præsta mihi propitius famulo tuo, eundem in sanctitate vitæ promereri Spiritum paraclætum, quem unigenitus Filius tuus Dominus noster Jesus Christus tuis fidelibus mittendum esse promisit. Qui mihi peccatori inspirare dignetur catholicæ fidei firmitatem, et sanctæ charitatis tuæ dulcedinem meque terrena despiciere et amare cælestia doceat. Per Christum Dominum nostrum.

*Post Communionem.*

Sumentes, Domine Deus, salutis nostræ sacramenta, præsta, quæsumus, ut eorum participatio, mihi famulo tuo ad perpetuam proficiat salutem. Per.

*Alia*

Aures tuæ pietatis, mitissime Deus, inclina precibus meis, et gratia sancti Spiritus illumina cor meum, ut tuis mysteriis digne ministrare teque æterna charitate diligere merear. Per.

## LXVIII.

## MISSA VOTIVA PRO AMICO, VEL PRO QUO VOLUERIS.

Deus, qui justificas impium, et non vis mortem peccatorum, majestatem tuam suppliciter deprecamur ut famulum tuum N. de tua misericordia confidentem, cælesti protegas benignus auxilio, et assidua protectione conserves, ut tibi jugiter famuletur, et nullis tentationibus a te separetur. Per.

*Super Oblata.*

Hujus, Domine, quæsumus, virtute mysterii, et a propriis nos munda delictis, et famulum tuum N. ab omnibus absolve peccatis. Per.

*Præfatio.*

D. et justum est, usque, æterne Deus. Implorantes tuæ majestatis misericordiam, ut famulo tuo N. veniam suorum largiri digneris peccatorum; ut ab omnibus inimici vinculis liberatus, tuis toto corde inhæreat mandatis. Et te solum semper tota virtute

diligat, et ad tuæ quandoque beatitudinis visionem A  
pervenire mereatur. Per.

*Post Communionem.*

Purificent nos, Domine, quæsumus, sacramenta  
quæ sumpsimus, et famulum tuum ab omni culpa  
liberum esse concede, ut qui conscientiæ reatu  
constringitur, cœlestis remedii plenitudine glori-  
etur. Per Dominum.

LXIX.

ITEM ALIA MISSA.

Omnipotens sempiterne Deus, miserere famulo  
tuo N. et dirige eum secundum tuam clementiam in  
viam salutis æternæ, ut te donante, tibi placita cu-  
piat, et tota virtute perficiat. Per Dominum.

*Lectio Epistolæ B. Pauli apostoli ad Galatas.*

B Fratres, si præoccupatus fuerit homo in aliquo  
delicto, vos, qui spirituales estis, instruite hujusmodi  
in spiritu mansuetudinis.

*Lectio sancti Evangelii secundum Joannem.*

In illo tempore, sublevatis Jesus oculis in cœlum,  
dixit : Pater, nunc ad te venio, et hæc loquor in  
mundo, ut habeant gaudium meum impletum in  
semetipsis:

*Secreta.*

Proficiat, quæsumus, Domine, hæc oblatio quam  
tuæ simplices offerimus majestati, ad salutem fa-  
muli tui N. ut tua providentia ejus vita inter ad-  
versa et prospera ubique dirigatur. Per.

*Post Communionem.*

C Sumentes, Domine, perpetuæ sacramenta salutis,  
tuam deprecamur clementiam, ut per ea famulum  
tuum N. ab omni adversitate protegas. Per Domi-  
num nostrum:

*Alia.*

Famulum tuum, quæsumus, Domine, tua semper  
protectione custodi, ut libera tibi mente deserviat,  
et te protegente, a malis omnibus sit securus. Per.

LXXX.

ITEM ALIA.

Adesto, Domine, supplicationibus nostris, et  
hanc famuli tui N. oblationem benignus assume, ut  
qui auxilium tuæ miserationis implorat, et sanctifi-  
cationis gratiam percipiat, et quæ pie precatur ob-  
tineat. Per.

*Secreta.*

Grata tibi sit, Domine, hæc oblatio famuli tui N.  
quam tibi offerimus in honorem beati N. martyris  
tui; quæsumus ut eidem proficiat ad salutem. Per.

*Infra actionem.*

Hanc igitur oblationem, quam tibi offerimus pro  
famulo tuo N. ut omnium peccatorum suorum ven-  
niam consequi mereatur, quæsumus, Domine, pla-  
catus accipias, et miserationis tuæ largitate conce-  
das, ut fiat ei ad veniam delictorum et actuum  
emendationem, ut et hic valeat bene vivere, et ad  
æternam beatitudinem feliciter pervenire. Diesque  
nostros.

*Ad Complendum.*

Hujus, Domine, quæsumus, virtute mysterii et  
a propriis mundemur occultis, et famulum tuum N.  
ab omnibus absolve peccatis. Per.

LXXI.

MISSA PRO SALUTE VIVORUM.

Prætende, Domine, famulis et famulabus tuis N.  
dexteram cœlestis auxilii, ut te toto corde perqui-  
rant, et quæ digne postulant assequantur. Per Do-  
minum nostrum.

*Secreta.*

Propitiare, Domine, supplicationibus nostris, et  
has oblationes famulorum famularumque tuarum,  
quas tibi pro incolumitate eorum offerimus, beni-  
gnus assume, et ut nullius sit irritum votum, nul-  
lius vacua postulatio, præsta, quæsumus, ut quos  
fideliter petimus efficaciter consequamur. Per.

*Ad Complendum.*

Da famulis et famulabus tuis, quæsumus, Domine,  
in tua fide et sinceritate constantiam, ut in chari-  
tate divina formati, nullis tentationibus ab ejus inte-  
gritate vellantur. Per Dominum.

LXXII.

ITEM ALIA MISSA PRO FAMILIARIBUS.

Deus, qui charitatis dona per gratiam sancti Spi-  
ritus tuorum cordibus fidelium infudisti, da famulis  
tuis, pro quibus tuam deprecamur clementiam, sa-  
lutem mentis et corporis, ut te tota virtute diligant,  
et quæ tibi placita sunt, tota dilectione perficiant.  
C Per Dominum nostrum.

*Lectio Epistolæ B. Pauli apostoli ad Romanos.*

Fratres, Spiritus autem adjuvat infirmitatem no-  
stram

*Lectio sancti Evangelii secundum Joannem.*

Sublevatis Jesus oculis in cœlum, dixit : Pater, quos  
dedisti mihi volo ut ubi ego sum, et illi sint mecum.

*Super Oblata.*

Miserere, quæsumus, Domine Deus, famulis tuis,  
pro quibus hoc sacrificium laudis tuæ offerimus  
majestati, ut per hæc sancta supernæ beatitudinis  
gratiam obtineant, et gloriam beatitudinis acquirant.  
Per Dominum.

*Præfatio.*

D D. et justum est, usque, æterne Deus. Clemen-  
tiam tuam pronis mentibus obsecrantes, ut famulos  
tuos, quos sacræ dilectionis nobis familiaritate con-  
juxisti, tibi facias toto corde subjectos, ut tuæ chari-  
tatis spiritu repleti, a terrenis mendentur cupidi-  
tatibus, et cœlesti beatitudine, te donante, digni  
efficiantur. Per Christum Dominum.

*Post Communionem.*

Divina libantes mysteria, quæsumus, Domine, ut  
hæc salutaria sacramenta illis proficiant ad prosp-  
eritatem et pacem, pro quorum dilectione hæc tuæ  
obtulimus majestati. Per.

*Alia.*

Deus, qui supplicum tuorum vota per charitatis

officia suscipere dignaris, da famulis tuis N. et N. in tua proficere dilectione, ut tibi secunda mente deserviant, et in tua pace semper assistere mereantur. Per Dominum nostrum.

## LXXIII.

## MISSA PRO ABBATE VEL CONGREGATIONE.

[PRO EPISCOPO VEL POPULO SIBI COMMISSO.]

Omnipotens sempiternae Deus, qui facis mirabilia magna solus, praetende super famulum tuum N. abbatem, vel super congregationem illi commissam [episcopum vel super plebem illi commissam], spiritum gratiae salutaris, et ut in veritate tibi complacent, perpetuum eis rorem tuae benedictionis infunde. Per.

*Super Oblata.*

Hostias, Domine, famulorum tuorum placatus intende, et quas in honorem nominis tui devota mente pro eis celebramus, proficere sibi sentiant ad melam. Per.

*Post Communionem.*

Quos caelesti recreas munere perpetuo, Domine, comitare praesidio; et quos fovere non desinis, dignos fieri sempiterna redemptione concede. Per.

## LXXIV.

## ORATIO IN MONASTERIO MONACHORUM.

Deus, qui renuntiantibus saeculo mansionem paras in caelo, dilata sancta hujus congregationis temporale habitaculum caelestibus bonis, ut fraternae teneantur compagine charitatis, unanimes continentiae praecipua custodiant, sobrii, simplices et quieti, gratis sibi datam gratiam fuisse cognoscant; concordet illorum vita cum nomine, professio sentiatur in opere. Per.

## LXXV.

## ORATIO PRO FRATRIBUS IN VIA DIRIGENDIS.

Deus qui diligentibus te, misericordiam tuam semper impendis, et a servientibus tibi, in nulla esse regione longinquus, dirige viam famuli tui in voluntate tua, et te protectore, et te praeduce, per justitiae semitas sine offensione gradiatur. Per.

## LXXVI.

## ORATIO PRO REDEUNTIBUS DE ITINERE.

Omnipotens sempiternae Deus, nostrorum temporum vitaeque dispositor, famulo tuo N. continuæ tranquillitatis largire subsidium, ut quem incolumem propriis laboribus reddidisti, tua facias protectione securum. Per Dominum.

## LXXVII.

## ORATIO IN ADVENTU FRATRUM SUPERVENIENTIUM.

Deus humilium visitator, qui nos fraternae dilectione consolaris, praetende societati nostrae gratiam tuam, ut per eos in quibus habitas, tuum in nobis sentiamus adventum. Per Dominum.

## LXXVIII.

## MISSA PRO ITER AGENTIBUS.

Adesto, Domine, supplicationibus nostris, et viam

A famuli tui N. in salutis tuae prosperitate dispone, ut inter omnes viae et vitae hujus varietates, tuo semper protegatur auxilio. Per Dominum.

*Secreta.*

Propitiare, Domine, supplicationibus nostris, et has oblationes quas tibi offerimus pro famulo tuo N. benignus assume, ut viam illius et praecedente gratia tua dirigas, et subsequente comitare digneris, ut de actu atque incolumitate ejus secundum misericordiae tuae praesidia gaudeamus. Per Dominum.

*Præfatio.*

D. et justum est, usque, aeternae Deus. A quo deviare, mori; coram quo ambulare, vivere est: Qui fideles tuos in tua via deducis, et miseratione gravissima in veritatem inducis. Qui Abraham, Isaac et Jacob, in praesentis vitae et viae curriculo, custos, dux et comes esse voluisti, et famulo tuo Tobiae angelum praevium praestitisti. Cujus immensam misericordiam humillimis precibus imploramus, ut iter famuli tui N. cum suis in prosperitate dirigere, eumque inter viae et vitae hujus varietates digneris custodire; quatenus angelorum tuorum praesidio fultus, intercessione quoque sanctorum munitus, a cunctis adversitatibus tua miseratione defensus, protectionis et reversionis suae felicitate potitus, et compos reddatur justorum votorum, et de suorum laetetur remissione peccatorum. Per Christum Dominum.

*Ad Complendum.*

Deus infinitae misericordiae et majestatis immensae, quem nec spatia locorum, nec intervalla temporum ab his quos tuervis abjungunt, adesto famulis tuis N. et N. in te ubique fidentibus, et per omnem quam ituri sunt viam dux eis et comes esse dignare; nihil illis adversitatis noceat, nihil difficultatis obsistat; cuncta eis salubria, cuncta sint prospera, et sub ope dexteræ tuae, quidquid justo expetierint desiderio celeri consequantur effectum. Per Dominum.

*Alia.*

Sumpta, Domine, caelestis sacramenti mysteria, quaesumus, Domine, ut ad prosperitatem itineris famuli tui N. proficiant, ut eum ad salutaria cuncta perducant. Per Dominum.]

## LXXIX.

## MISSA PRO NAVIGANTIBUS.

Deus, qui transtulisti patres nostros per mare Rubrum, et transvestisti per aquam nimiam, laudem tui nominis decantantes, supplices deprecamur, ut in hac navi famulos tuos repulsis adversitatibus porta semper optabili, cursuque tranquillo tuearis. Per Dominum.

*Secreta.*

Suscipe, Domine, quaesumus, preces famulorum tuorum cum oblationibus hostiarum, et tua mysteria celebrantes ab omnibus defende periculis. Per Dominum.

*Ad complendum.*

Sanctificati divino mysterio, majestatem tuam, Domine, suppliciter deprecamur et petimus, ut quos

donis facis cœlestibus interesse, per lignum sanctæ A crucis et a peccatis abstrahas, et a periculis cunctis miseratus eripias. Per Dominum.

LXXX:

MISSA PRO PECCATIS.

Exaudi, Domine, quæsumus, supplicum preces, et contentium tibi parce peccatis, ut pariter nobis indulgentiam tribuas benignus et pacem. Per Dominum.

*Lectio Jeremiæ prophetæ.*

Si iniquitates nostræ contenderint contra nos, Domine, libera nos, quæsumus; fac propter nomen tuum.

*Lectio sancti Evangelii secundum Lucam.*

In illo tempore, dixit Jesus discipulis suis: Petite, B et dabitur vobis; quærite. et invenientis; pulsate, et aperietur vobis.

*Super Oblata.*

Hostias tibi, Domine, placationis offerimus, ut et delicta nostra miseratus absolvas, et nutantia corda tu dirigas. Per Dominum.

*Præfatio.*

D. et justum est, usque, æterne Deus. Salva nos ex ore leonis sævissimi, qui rugiens circuit, quærens de unitate Ecclesiæ tuæ, quem rapiat atque devoret. Sed tu, fortissime Domine de tribu Juda, contere contrariam virtutis suæ nequitiam, nos ab ignitis ejus impugnationibus liberatos, corpore nos conserva, et corde purifica. Per Dominum.

*Infra actionem.*

Hanc igitur oblationem, Domine, quam tibi offerimus pro peccatis atque offensionibus nostris, ut omnium delictorum nostrorum remissionem consequi mereatur, quæsumus, Domine, Ut.

*Ad Complendum.*

Præsta nobis, æternæ Salvator, ut percipientes hoc munere veniam peccatorum, deinceps peccata vitemus. Per Dominum.

*Alia.*

Deus, cui proprium est semper misereri et parcere, suscipe deprecationem nostram, ut quos delictorum catena constringit, miseratio tuæ pietatis absolvat. Per Dominum.

LXXXI.

ORATIO IN TEMPORE BELLII.

Omnipotens et misericors Deus, a bellorum nos, quæsumus, turbine fac quietos, quia nobis bona cuncta præstabis, si pacem dederis et mentis et corporis. Per Dominum.

LXXXII.

MISSA IN TEMPORE BELLII.

Deus, regnorum omnium regumque dominator. qui nos et percutiendo sanas et ignoscendo servas, prætende nobis misericordiam tuam, ut tranquillitate pacis tua potestate firmata, ad remedia correctionis utamur. Per Dominum.

*Super Oblata.*

Sacrificium, Domine, quod immolamus, intende, ut ab omni nos exuat bellorum nequitia, et in tuæ protectionis securitate constituat. Per Dominum.

*Præfatio.*

D. et justum est, usque, æterne Deus. Sub cuius potestatis arbitrio omnium regnorum continetur potestas, te humiliter deprecamur, ut principibus nostris propitius adesse digneris; ut qui tua expectant se protectione defendi, omnibus sint hostibus fortiores. Per Christum.

*Post Communionem.*

Sacrosancti corporis et sanguinis Domini nostri Jesu Christi refectione vegetati, supplices te rogamus, omnipotens Deus, ut hoc remedio salutaris ab omnium peccatorum nos contagine purifices, et a periculorum munias incursione cunctorum. Per eundem.

LXXXIII.

ALIA MISSA.

Omnipotens Deus, Christiani nominis inimicos virtute, quæsumus, tuæ comprime majestatis, ut populus tuus et fidei integritate lætetur, et temporum tranquillitate semper exsulet. Per Dominum.

*Secreta.*

Hujus, Domine, quæsumus, virtute mysterii, et a nostris mundemur occultis, et ab inimicorum liberemur insidiis. Per Dominum.

*Ad Complendum.*

C Vivificet nos, Domine, participatio tuæ sancta mysterii, et pariter nobis expiationem tribuat et munimen. Per Dominum.

LXXXIV.

ITEM ALIA MISSA.

Deus, qui providentia tua cœlestia simul et terrena moderaris, propitiare Christianorum rebus et regibus, ut omnis hostium fortitudo, te pro nobis punnante, frangatur. Per Dominum.

*Super Oblata.*

Propitiare, Domine, precibus et hostiis famulorum tuorum, et propter nomen tuum Christiani nominis defende rectores, ut salus servientium tibi principum pax tuorum possit esse populorum. Per Dominum.

*Post Communionem.*

Protege, Domine, famulos tuos subsidiis pacis et corporis, et spiritalibus enutrens eos alimentis a cunctis hostibus redde securos. Per Dominum.

LXXXV.

MISSA PRO PACE.

Deus, a quo sancta desideria, recta consilia et justa sunt opera, da servis tuis illam quam mundus non potest dare pacem, ut et corda nostra mandatis tuis dedita, et hostium sublata formidine, tempora sint tua protectione tranquilla. Per Dominum nostrum.

*Super Oblata.*

Deus, qui credentes in te populos nullis sinis conculsi terroribus, dignare preces et hostias dicatæ tibi plebis suscipere, ut pax tua pietate concessa Christianorum fines ab omni hoste faciat esse securos. Per Dominum.

*Post Communionem.*

Deus, auctor pacis et amator, quem nosse, vivere; cui servire, regnare est; protege ab omnibus impugnationibus supplices tuos, ut qui in defensione tua confidimus nullius hostilitatis arma timeamus. Per Dominum.

## LXXXVI.

## MISSA DE QUACUNQUE TRIBULATIONE.

Ineffabilem misericordiam tuam, Domine, nobis clementer ostende, ut simul nos et a peccatis exuas, et a pœnis quas pro his meremur, eripias. Per Dominum nostrum.

*Super Oblata.*

Purificet nos, Domine, quæsumus, muneris præsentis oblatio, et dignos sacra participatione perficiat. Per.

*Præfatio.*

D. et justum est, usque, æterne Deus. Qui propterea jure punis errantes, et clementer refoves castigatos, ut nos a malis operibus abstrahas, et ad bona facienda convertas; qui non vis invenire quod damnes, sed esse potius quod coronas; qui cum pro nostris meritis jugiter meremur affligi, tu tamen judicium ad correptionem temperas, non perpetuam exerces ad pœnam, juste enim corrigis, et clementer ignoscis, in utroque verax, in utroque misericors; qui nos et a lege disponis, ut coercendo in æternum perire non sinas, et parcendo spatium tribuas corrigendi; qui ideo malis præsentibus nos flagellas, ut ad bona futura perducas; ideo bonis temporalibus consolaris, ut de sempiternis facias certiores, quo te et in prosperis et in adversis pia semper confessione laudemus. Per Christum Dominum nostrum.

*Post Communionem.*

Præsta, Domine, quæsumus, ut terrenis effectibus expiati, ad superni plenitudinem sacramenti, cujus libavimus sancta, tendamus. Per Dominum nostrum.

## LXXXVII.

## MISSA PRO PESTE ANIMALIUM.

Deus, qui laboribus hominum etiam de mutis animalibus solatia subrogasti, supplices te rogamus ut sine quibus non alitur humana conditio nostris facias usibus non perire. Per Dominum.

*Secreta.*

Sacrificiis, Domine, placatus oblati, opem tuam nostris temporibus clementer impende.

*Post Communionem.*

Benedictionem tuam, Domine, populus fidelis accipiat, qua corpore salvatus ac mente, et congruam

A tibi exhibeat servitatem, et propitiationis tuæ beneficia semper inveniat. Per Dominum.

*Alia.*

Averte, Domine, quæsumus, à fidelibus tuis cunctos miseratus errores, et sævientium morborum depelle perniciem, ut quos merite flagellas devios foveas tua miseratione correctos. Per Dominum.

## LXXXVIII.

## MISSA PRO CONTENTIONE.

Omnipotens sempiternus Deus, qui superbis resistis, et gratiam præstas humilibus, tribue, quæsumus, ut non indignationem tuam provocemus elati, sed propitiationis tuæ capiamus dona subjecti. Per Dominum nostrum.

*Secreta.*

Ab omni reatu nos, Domine, sancta quæ tractamus absolvant, et eadem muniant à totius pravitate incursu. Per Dominum.

*Post Communionem.*

Quos refecisti, Domine, cœlesti mysterio, propriis et alienis, quæsumus, propitiatus absolve delictis, ut divino munere purificatis mentibus perfruamur. Per Dominum.

*Alia.*

Præsta, quæsumus, omnipotens Deus, ut semper rationabilia meditantes, quæ tibi sunt placita et dictis exsequamur et factis. Per Dominum.

## LXXXIX.

## MISSA CONTRA JUDICES MALE AGENTES.

Ecclesiæ tuæ, Domine, preces placatus admitte, ut destitutis adversitatibus universis, securam tibi serviat libertatem. Per Dominum.

*Secreta.*

Protege nos, Domine, quæsumus, tuis mysteriis servientes, ut divinis rebus et corpore famulemur et mente. Per Dominum nostrum.

*Post Communionem.*

Quæsumus, Domine Deus noster, ut quos divina tribus participatione gaudere humanis non sinas subjacere periculis. Per Dominum nostrum Jesum Christum.

## XC.

## MISSA CONTRA OBLOQUENTES.

Præsta, quæsumus, Domine, ut mentium reproborum non curemus obloquium, sed eadem pravitate calcata exoramus, ut nec terreri nos lacerationibus patiaris injustis, nec captiosis adulationibus implicari, sed potius amare quæ præcipis. Per Dominum.

*Secreta.*

Oblatio, Domine, tuis aspectibus immolanda, quæsumus, ut et nos ab omnibus vitiiis potenter absolvat, et a cunctis defendat inimicis. Per Dominum.

*Post Communionem.*

Præsta, Domine, quæsumus, ut per hæc sancta quæ sumpsimus, dissimulatis lacerationibus impro-

borum, eadem, te gubernante, quæ recta sunt cauti-  
us exsequamur. Per Dominum.

## XCI.

## ORATIO AD PLUVIAM POSTULANDAM.

Terram tuam, Domine, quam vidimus nostris  
iniquitatibus tabescentem, cœlestibus aquis infunde,  
atque irriga beneficiis gratiæ sempiternæ. Per Do-  
minum.

*Alia.*

Da nobis, Domine, quæsumus, pluviam salutarem,  
et aridam terræ faciem fluentis cœlestibus dignan-  
ter infunde. Per Dominum nostrum.

*Alia*

Omnipotens sempiterne Deus, qui salvas omnes, **B**  
et neminem vis perire, aperi fontem benignitatis tuæ,  
et terram aridam aquis fluenti cœlestis dignanter  
infunde. Per Dominum nostrum.

## XCII.

## MISSA AD PLUVIAM POSTULANDAM.

Deus, in quo vivimus, movemur et sumus, plu-  
viam nobis tribue congruentem, ut præsentibus sub-  
sidiis sufficienter adniti, sempiterna fiducialius ap-  
petamus. Per.

*Alia.*

Delicta fragilitatis nostræ, Domine, quæsumus,  
miseratus absolve, et aquarum subsidia præbe cœles-  
tium, quibus terrena conditio vegetata subsistat.  
Per Dominum nostrum.

*Secreta.*

Oblatis, Domine, placare muneribus, et opportu-  
num nobis tribue pluviæ sufficientis auxilium. Per.

*Ad Complendum.*

Tuere nos, Domine, quæsumus, tua sancta sumen-  
tes. et ab omnibus propitius absolve peccatis. Per.

## XCIII.

## ORATIO AD POSTULANDAM SERENITATEM.

Domine Deus, qui in mysterio aquarum salutis  
tuæ nobis sacramenta sanxisti, exaudi orationem  
populi tui, et jube terrores inundantium cessare plu-  
viarum, flagellumque hujus elementi ad effectum tui **D**  
converte mysterii, ut qui se regenerantibus aquis  
gaudent renatos, gaudeant his castigantibus esse  
correctos. Per Dominum.

*Alia.*

Quæsumus, omnipotens Deus, clementiam tuam,  
ut inundantiam coerceas imbrum, et hilaritatem  
tui vultus nobis impertiri digneris. Per Dominum.

## XCIV.

## MISSA AD POSTULANDAM SERENITATEM.

Ad te nos, Domine, clamantes exaudi, et aeris se-  
renitatem nobis tribue supplicantibus, ut qui pro  
peccatis nostris juste affligimur, misericordia tua  
præveniente, clementiam sentiamus. Per.

*Secreta.*

Præveniat nos, quæsumus, Domine, gratia tua,  
semper et subsequatur, et has oblationes, quas pro  
peccatis nostris nomini tuo consecrandas deferimus,  
benignus assume, ut per intercessionem sanctorum  
tuorum cunctis nobis proficiant ad salutem. Per.

*Ad Complendum.*

Plebs tua, Domine, capiat sacræ benedictionis  
augmentum, et copiosis beneficiorum tuorum suble-  
vetur auxiliis, quæ tantis intercessionum depreca-  
tionibus adjuvatur. Per Dominum.

## XCV.

## MISSA AD REPELLENDAM TEMPESTATEM.

Deus, qui omnium rerum tibi servientium natu-  
ram per ipsos motus aeris ad cultum tuæ majestatis  
iustituis, tranquillitatem nobis misericordiæ tuæ [f.  
misericordia tua], remotis largire terroribus, ut  
cujus iram expiavimus clementiam sentiamus. Per.

*Alia.*

A domo tua, quæsumus, Domine, spiritales nequi-  
tæ repellantur, et aeriarum discedat malignitas  
tempestatum. Per Dominum.

*Secreta.*

Offerimus, Domine, laudes et munera, pro conces-  
sis beneficiis gratias referentes, et pro concedendis  
semper suppliciter deprecantes. Per.

*Ad Complendum.*

Omnipotens sempiterne Deus, qui nos et casti-  
gando sanas, et ignoscendo conservas, præsta sup-  
plicibus tuis, ut et tranquillitatibus hujus optatæ con-  
solationis lætemur, et dono tuæ pietatis semper uta-  
mur. Per.

## XCVI.

ORATIONES ET PRECES SUPER PŒNITENTEM, CONFITEN-  
TEM PECCATA SUA MORE SOLITO, FERIA IV INFRA QUA-  
DRAGESIMAM.

Exaudi, Domine, preces nostras, et tibi confiten-  
tium parce peccatis, ut quos conscientiæ reatus  
accusat, indulgentia tuæ miserationis absolvat. Per.  
Præveniat hunc famulum tuum, quæsumus, Do-  
mine, misericordia tua, ut omnes iniquitates ejus  
celeri indulgentia deleantur. Per.

Adesto supplicationibus nostris, nec sit ab hoc  
famulo tuo clementiæ tuæ longinqua miseratio:  
vulnera sana, ejusque remitte peccata, ut nullis a te  
iniquitatibus separatus, tibi Domino semper valeat  
adhærere. Per.

Domine Deus noster, qui offensione nostra non  
vincaris, sed satisfactione placaris, respice, quæsu-  
mus, ad hunc famulum tuum, qui se tibi peccasse  
graviter confitetur. Tuum est enim ablutionem cri-  
minum dare, et veniam præstare peccantibus, qui  
dixisti, pœnitentiam te malle peccatorum, quam  
mortem. Concede ergo, Domine, hoc, ut tibi pœni-

tentiæ excubias celebret, et correctis actibus suis, A conferri sibi a te sempiterna gaudia gratuletur. Per a.

## XCVII.

<sup>b</sup> ORATIONES AD RECONCILIANDUM POENITENTEM, FER. V  
IN COENA DOMINI.

Adesto, Domine, supplicationibus nostris, et me, qui etiam misericordia tua primus indigeo, clementer exaudi, ut quem non electione meriti, sed dono gratiæ tuæ constituisti operis hujus ministrum, da fiduciam tui muneris exsequendi, et ipse in nostro ministerio quod tuæ pietatis est, operare. Per Dominum nostrum.

Præsta, quæsumus, Domine, huic famulo tuo dignum poenitiæ fructum, ut Ecclesiæ tuæ sanctæ, a cujus integritate deviarat peccando, admissorum reddatur innoxius veniam consequendo. Per Dominum nostrum.

Deus, humani generis benignissime conditor et misericordissime reformator, qui hominem, invidia diaboli ab æternitate dejectum, unici Filii tui sanguine redemisti, vivifica hunc famulum tuum, quem tibi nullatenus mori desideras, et qui non derelinquis devium, assume correctum. Moveant pietatem tuam, quæsumus, Domine, hujus famuli tui lacrymosa suspiria; tu ejus medere vulneribus, tu jacenti manum porrigere salutarem, ne Ecclesia tua aliqua sui corporis portione vastetur, ne grex tuus detrimentum sustineat, ne de famulæ tuæ damno inimicus exsulet, nec renatum lavacro salutari mors secunda possideat. Tibi ergo, Domine, supplices preces, tibi fletum cordis effundimus; tu parce confitenti, ut sic in hac mortalitate peccata sua, te adjuvante, defleat, quatenus in tremendi judicii die sententiam damnationis æternæ evadat, et nesciat quod terret in tenebris, quod stridet in flammis; atque ab erroris via ad iter reversus justitiæ, nequaquam ultra vulneribus saucietur, sed integrum sit ei atque perpetuum et quod gratia tua contulit, et quod misericordia reformavit. Per eundem Dominum.

## XCVIII.

ORATIONES AD VISITANDUM INFIRMUM.

Deus, qui famulo tuo Ezechia ter quinos annos ad vitam donasti, ita et famulum tuum N. a lecto ægri- tudinis tua potentia erigat ad salutem. Per Dominum nostrum.

Respice, Domine, famulum tuum N. in infirmitate sui corporis laborantem, et animam refove quam creasti, ut castigationibus emundata, continuo se sentiat tua medicina salvatum. Per Dominum nostrum.

Deus, qui facturæ tuæ pio semper dominaris affectu, inclina aurem tuam supplicationibus nostris, et famulum tuum N. ex adversa valetudine corporis laborantem, placatus respice, et visita in salutari tuo, ac cœlestis gratiæ præsta medicinam. Per.

<sup>a</sup> Alias præterea orationes videre est in Ord. Rom. pag. 28, 29 et 30. Quarum etiam sit mentio ab Alcuino pag. 52.

Deus, qui humano generi et salutis remedium, et vitæ æternæ munera contulisti, conserva famulo tuo N. tuarum dona virtutum, et concede ut medelam tuam non solum in corpore, sed etiam in anima sentiat. Per.

Virtutum cœlestium Deus, qui in humanis corporibus omnem languorem et omnem infirmitatem præcepti tui potestate depellis, adesto propitius huic famulo tuo N., ut fugatis infirmitatibus et viribus receptis, nomen sanctum tuum instaurata protinus sanitate benedicat.

Domine sancte, Pater omnipotens, æterne Deus, qui fragilitatem conditionis nostræ infusa virtutis tuæ dignatione confirmas, ut salutaribus remediis pietatis tuæ corpora nostra et membra vegetentur, super hunc famulum tuum propitius intende, ut, omni necessitate corporeæ infirmitatis exclusa, gratia in eo pristinae sanitatis perfecta reparetur. Per Dominum.

## XCIX.

MISSA PRO INFIRMIS.

Omnipotens sempiternæ Deus, salus æterna credentium, exaudi nos pro famulis tuis N., pro quibus misericordiæ tuæ imploramus auxilium, ut redita sibi sanitate, gratiarum tibi in ecclesia tua referant actionem. Per.

*Secreta.*

Deus, cujus nutibus vitæ nostræ momenta decurrunt, suscipe preces et hostias famulorum famularumque tuarum, pro quibus misericordiam tuam ægrotantibus imploramus, ut de quorum periculo metuimus de eorum salute lætemur. Per Dominum.

*Præfatio.*

D. et justum est, usque, eterne Deus. Qui famulos tuos ideo corporaliter verberas, ut mente proficiant, potenter ostendens, quod sit pietatis tuæ præclara salvatio, dum præstas, ut operetur nobis etiam ipsa infirmitas salutem. Per Christum Dominum nostrum.

*Ad Complendum.*

Deus, infirmitatis humanæ singulare præsidium, auxilii tui super infirmos nostros ostende virtutem, ut ope misericordiæ tuæ adjuti, ecclesiæ tuæ sanctæ representari mereantur. Per.

C.

ORATIO PRO REDDITA SANITATE.

Domine sancte, Pater omnipotens, æterne Deus, qui benedictionis tuæ gratiam ægris infundendo corporibus, facturam tuam multiplici pietate custodis, ad invocationem nominis tui benignus assiste, et hunc famulum tuum N. liberatum ægri- tudine, et sanitate donatum, dextera tua erigas, virtute confirmes, potestate tuearis, ecclesiæ tuæ sanctisque altari- bus tuis cum omni desiderata prosperitate restituas. Per.

<sup>b</sup> Meminit harum orationum Ordo Rom. pag. 51 et sequent; Alcuinus, p. 55. Amal. l. 1, c. 12.

## CI.

## RECONCILIATIO PŒNITENTIS AD MORTEM.

Majestatem tuam, Domine, supplices deprecamur, ut huic famulo tuo N. longo squalore pœnitentiæ macerato, miserationis tuæ veniam largiri digneris, ut, nuptiali veste recepta, ad regalem mensam, unde ejectus fuerat, mereatur introire. Per.

## CII.

## MISSÆ IN AGENDA MORTUORUM PRO FRATRIBUS NOSTRIS DEFUNCTIS.

Deus, veniæ largitor et humanæ salutis amator, quæsumus clementiam tuam ut nostræ congregationis fratres, qui ex hoc sæculo transierunt, beato N. patrono nostro intercedente, ad perpetuæ beatitudinis consortium pervenire concedas. Per Dominum nostrum.

*Super Oblata.*

Deus, cujus misericordiæ non est numerus, suscipe propitius preces humilitatis nostræ, et animabus quibus tui nominis dedisti confessionem, per hæc sacramenta salutis nostræ cunctorum tribue remissionem peccatorum. Per.

*Infra actionem.*

Hanc igitur oblationem, quam tibi offerimus pro animabus fratrum nostrorum, quæsumus, Domine, placatus intende, pro quibus majestati tuæ supplices fundimus preces, ut eas in numero sanctorum tuorum tibi placentium dignanter ascribas. Diesque nostros.

*Post Communionem.*

Præsta, quæsumus, misericors Deus, ut animæ pro quibus hoc sacrificium laudis tuæ offerimus majestati, per hujus virtutem sacramenti, a peccatis omnibus expiatæ, lucis perpetuæ, te miserante, percipiant beatitudinem. Per.

*Alia.*

Deus, vita viventium, spes morientium, salus omnium in te sperantium, præsta propitius ut animæ hujus congregationis et omnium hic requiescentium, a nostræ mortalitatis tenebris absolutæ, patrono nostro beato N. Intercedente, in perpetua cum sanctis tuis luce lætentur. Per.

## \* IN DIE DEPOSITIONIS DEFUNCTI III, VEL VII, VEL XXX. D

Adesto, quæsumus, Domine, pro anima famuli tui N., cui in depositione sua officium commemorationis impendimus, ut si qua ei sæcularis macula inhæsit, aut vitium mundiale infecit, dono tuæ pietatis indulgeas et extergas. Per.

*Alia.*

Quæsumus, Domine, animæ famuli tui N., cujus tertium, vel septimum, vel tricesimum obitus sui diem commemoramus, sanctorum tuorum atque electorum largire consortium, et rorem misericordiæ tuæ perennem infunde. Per Dominum.

A *Lectio Epistolæ B. Pauli apostoli ad Corinthios.*

Fratres, ecce mysterium vobis dico. Omnes quidem resurgemus, sed non omnes immutabimur.

*Sequentia sancti Evangelii secundum Joannem.*

In illo tempore, dixit Martha ad Jesum: Domine, si fuisses hic, frater meus non fuisset mortuus.

*Super Oblata.*

Adesto, Domine, supplicationibus nostris, et hanc oblationem, quam tibi offerimus ob diem depositionis tertium, vel septimum, vel tricesimum, pro anima famuli tui N. placidus vel benignus assume. Per.

*Præfatio.*

D. et justum est, usque Per Christum Dominum nostrum. Per quem salus mundi, per quem vita hominum, per quem resurrectio mortuorum. Per ipsum te, Domine, suppliciter deprecamur, ut animæ famuli tui N., cujus depositionis diem N. celebramus, indulgentiam largiri digneris perpetuam, atque contagii mortalitatis exutam, in æternæ salvationis partem restituas. Per quem.

*Infra actionem.*

Hanc igitur oblationem, Domine, quam tibi offerimus pro anima famuli tui N., cujus depositionis diem tertium, septimum, vel tricesimum celebramus, quo deposito corpore, animam tibi creatori reddidit quam dedisti, pro quo petimus divinam clementiam tuam, ut, mortis vinculis absolutus, transire mereatur ad vitam. Per Christum Dominum nostrum.

*Post Communionem.*

Omnipotens sempiternæ Deus, collocare dignare corpus et animam et spiritum famuli tui N., cujus diem tertium, septimum, vel tricesimum sive depositionem celebramus, in sinibus Abrahamæ, Isaac et Jacob, ut cum dies agnitionis tuæ venerit, inter sanctos et electos tuos eum resuscitari præcipias. Per.

## PRO CUJUS ANIMA DUBITATUR.

Omnipotens et misericors Deus, inclina, quæsumus, venerabiles aures tuas ad exiguas preces nostras, quas [*leg: quibus*] ante conspectum majestatis tuæ pro anima famuli tui N. humiliter deprecamur, ut dum de qualitate vitæ ejus diffidimus, de abundantia pietatis tuæ consolemur, et si ad plenam veniam animæ ipsius obtinere non possumus, saltem vel inter ipsa tormenta quæ forsitan patitur, abundantiam miserationum tuarum sentiamus. Per.

*Super Oblata.*

Suscipe, clementissime Pater, pro commemoratione famuli tui N. hostiam placationis et laudis, ut sacrificium oblationis præsentis ad refrigerium animæ ejus, te miserante, perveniat. Per.

*Post Communionem.*

Sumpsimus, Domine, corporis et sanguinis tui remedia, obsecrantes majestatis tuæ clementiam ut et

\* Ad hunc locum videtur alludere Amal. lib. iv. de Eccl. offic., c. 42.



viventibus sint tutela, et defunctis obtineant veniam. A  
Per Dominum nostrum.

## CIII.

## MISSA UNIUS DEFUNCTI.

Omnipotens, sempiterna Deus, cui nunquam sine spe misericordiæ supplicatur, propitiare animæ famuli tui N. ut qui de hac vita in tui nominis confessione decessit, sanctorum tuorum numero facias aggregari. Per Dominum.

*Super Oblata*

Propitiare, quæsumus, Domine, animæ famuli tui N., pro qua tibi hostias placationis offerimus, et quia in hac luce in fide mansit catholica, in futura vita ejus retributio condonetur. Per.

*Infra actionem.*

Hanc igitur oblationem, quam tibi pro requie animæ famuli tui N. offerimus, quæsumus, Domine, placatus accipias, et tua pietate concedas ut, mortalitatis nexibus absoluta, inter fideles tuos mereatur habere portionem. Per Christum.

*Post Communionem.*

Præsta, quæsumus, omnipotens Deus, ut animam famuli tui N. ab angelis lucis susceptam, in præparatis habitaculis deduci facias beatorum. Per Dominum nostrum.

## CIV.

## MISSA PRO DEFUNCTO NUPEB BAPTIZATO.

Deus, qui ad cœleste regnum nonnisi renatis ex aqua et Spiritu sancto pandis introitum, multiplica C  
super animam famuli tui N. misericordiam tuam, et cui donasti cœlestem et incontaminatum transitum post baptismi sacramentum, da ei æternorum plenitudinem gaudiorum. Per Dominum nostrum.

*Secreta.*

Propitiare, Domine, supplicationibus nostris pro anima famuli tui N., pro qua tibi offerimus sacrificium laudis, ut eam sanctorum tuorum consortio sociare digneris. Per.

*Infra actionem.*

Hanc igitur oblationem quam tibi offerimus pro anima famuli tui N. benignus assume, eumque regenerationis fonte purgatum et periculis vitæ hujus exutum, beatorum numero digneris inserere spirituum. Per Christum Dominum nostrum. D

*Post Communionem.*

Propitiare, Domine, animæ famuli tui N., ut quem in sine istius vitæ regenerationis fonte mundasti, ad cœlestis regni beatitudinem facias pervenire. Per.

## CV.

## MISSA PRO DEFUNCTIS DESIDERANTIBUS PŒNITENTIAM, ET MINIME CONSEQUENTIBUS.

Si quis pœnitentiam petens, dum sacerdos venerit, fuerit officio linguæ privatus, constitutum ut si idonea testimonia hoc dixerint, et ipse per motus aliquos satisfacit, sacerdos impleat omnia circa pœnitentem.

*Oratio.*

Omnipotens et misericors Deus, in cujus humana conditio potestate consistit, animam famuli tui N. quæsumus ab omnibus absolve peccatis, et pœnitentiæ fructum, quem voluntas ejus optavit, præventus mortalitate, non perdat. Per Dominum nostrum.

*Super Oblata.*

Satisfaciat tibi, Domine, quæsumus, pro anima famuli tui N. sacrificii præsentis oblatio, et peccatorum veniam quam quæsit, inveniat, et quod officio linguæ implere non potuit, desideratæ pœnitentiæ compensatione percipiat. Per.

*Infra actionem.*

Hanc igitur oblationem, quam tibi offerimus pro anima famuli tui N., cujus diem depositionis celebramus, quæsumus, Domine, ut placatus accipias, et ineffabili pietate concordas, ut quod exsequi præventus conditione mortali, ministerio linguæ non potuit, mereatur indulgentia sempiterna: diesque nostros in tua pace disponens.

*Post Communionem.*

Deus, a quo speratur humani corporis omne quod bonum est, tribue per hæc sancta, quæsumus, ut sicut animæ famuli tui N. pœnitentiæ [f. pœnitentiam] velle donasti, sic indulgentiam tribue miseratus optatam. Per Dominum.

## CVI.

## MISSA IN ANNIVERSARIO UNIUS DEFUNCTI.

Præsta, Domine, quæsumus, ut anima famuli tui N., cujus anniversarium depositionis diem celebramus, his purgata sacrificiis, indulgentiam pariter et requiem capiat sempiternam. Per.

*Super Oblata.*

Propitiare, Domine, supplicationibus nostris pro anima et spiritu famuli tui N., cujus hodie annua dies agitur, pro qua tibi offerimus sacrificium laudis, ut eam sanctorum tuorum consortio sociare digneris. Per Dominum.

*Infra actionem.*

Hanc igitur oblationem, Domine, quam tibi offerimus pro anima famuli tui N., cujus hodie annua dies agitur, quæsumus, placatus intende, eamque mortalitatis nexibus absolutam, inter tuos fideles ministros habere perpetuam jubeas portionem. Quam oblationem.

*Post Communionem.*

Suscipe, Domine, preces nostras pro anima famuli tui N., ut si quæ ei maculæ de terrenis contagiis adhæserunt, remissionis tuæ misericordia deleantur. Per Dominum.

## CVII.

## MISSA PLURIMORUM DEFUNCTORUM.

Propitiare, Domine, quæsumus, animabus famulorum famularumque tuarum misericordia sempiterna, ut mortalibus nexibus expeditæ, lux eas æterna possideat. Per,

*Lectio libri Machabæorum.*

In diebus illis, vir fortissimus Judas, collatione facta, duodecim millia drachmas argenti misit Hierosolimam, offerri ea ibi pro peccatis mortuorum.

*Sequentia sancti Evangelii secundum Joannem.*

In illo tempore, dixit Jesus discipulis suis: Omne quod dat mihi Pater, ad me veniet.

*Super Oblata.*

Hostias tibi, Domine, humili placatione deferimus, ut animæ famulorum famularumque tuarum per hæc placationis officia tuam misericordiam consequantur. Per.

*Præfatio.*

D. et justum est, usque, per Christum Dominum nostrum. Cujus sacram passionem pro immortalibus et bene quiescentibus animabus sine dubio celebramus. Pro his præcipue, quibus secundæ nativitatis gratiam præstitisti. Quo exemplo Jesu Christi Domini nostri, cœperunt esse de resurrectione securi. Quippe quî fecisti quæ non erant, potes separare quæ fuerant. Et resurrectionis futuræ nobis documenta, non solum per propheticam et apostolicam doctrinam, sed ejusdem Unigeniti tui Redemptoris nostri resurrectione dedisti. Ut quod per prophetas est annuntiatum, per apostolos traditum, ipsius resurrectionis exemplo sit firmatum. Per

*Infra actionem.*

Hanc igitur oblationem, quam tibi pro requie animarum famulorum famularumque tuarum offerimus, quæsumus, Domine, propitius intueri, et concede ut mortuis prosit ad veniam, quod cunctis viventibus præparare dignatus es ad medelam: diesque nostros.

*Post Communionem.*

Inveniant, quæsumus, Domine, animæ famulorum famularumque tuarum, omniumque in Christo quiescentium, lucis æternæ consortium, qui in hac luce positi, tuum consecuti sunt sacramentum. Per.

## CVIII.

## ITEM ALIA MISSA.

Fidelium Deus omnium conditor et redemptor, animabus famulorum famularumque tuarum, remissionem cunctorum tribue peccatorum, ut indulgentiam quam semper optaverunt piis supplicationibus consequantur. Per Dominum.

*Secreta.*

Hostias, quæsumus, Domine, quas tibi pro animabus famulorum famularumque tuarum offerimus, propitius intende, ut quibus fidei Christianæ meritum contulisti, dones et præmium. Per Dominum nostrum.

*Post Communionem.*

Animabus, quæsumus, Domine, famulorum famularumque tuarum oratio proficiat supplicantium, ut eas et a peccatis exuas, et tuæ redemptionis facias esse participes. Per.

## CIX.

## ITEM ALIA MISSA.

Animabus, quæsumus, Domine, famulorum famu-

larumque tuarum misericordiam concede perpetuam, ut eis proficiat in æternum quod in te speraverunt et crediderunt. Per Dominum.

*Lectio libri Apocalypsis B. Joannis apostoli.*

In diebus illis, audivi vocem de celo dicentem mihi.

*Sequentia sancti Evangelii secundum Joannem.*

In illo tempore, dixit Jesus discipulis suis: Nisi manducaveritis carnem Filii hominis.

*Super Oblata.*

His, quæsumus, Domine, placatus intende muneribus, et quod ad laudem tui nominis supplicantes offerimus, ad indulgentiam proficiat defunctorum. Per Dominum nostrum.

*Post Communionem.*

Supplices, quæsumus, Domine, pro animabus famulorum famularumque tuarum preces effundimus, sperantes ut quidquid conversatione contraxerunt humana, et clementer indulgeas, et in tuorum sede lætantium constituas redeptorum. Per.

## CX.

## MISSA IN CŒMETERIIS.

Deus, cujus miseratione animæ fidelium quiescunt, famulis tuis N. et N. et omnibus hic in Christo quiescentibus, da propitius veniam peccatorum, ut, a cunctis reatibus absoluti, sine fine lætentur.

*Super Oblata.*

Pro animabus famulorum tuorum N. et N. et hic omnium catholicorum dormientium hostiam, Domine, suscipe benignus oblatam, ut hoc sacrificio singulari, vinculis horrendæ mortis exuti, vitam mereantur æternam. Per.

*Infra actionem.*

Hanc igitur oblationem, quam tibi offerimus, Domine, pro tuorum requie famulorum et famularum N. et N. et omnium fidelium catholicorum orthodoxorum, in hac basilica in Christo quiescentium, et qui in circuitu hujus ecclesiæ requiescunt, quæsumus, Domine, placatus accipias, ut per hæc salutis humanæ subsidia in tuorum numero redemptorum, sorte perpetua censeantur. Per.

*Post Communionem.*

D. Deus, fidelium lumen animarum, adesto supplicationibus nostris, et da famulis vel famulabus tuis N. et N. vel quorum corpora hic requiescant, refrigerii sedem, quietis beatitudinem lætæ claritatem. Per Dominum.

## CXI.

## MISSA PRO SALUTE VIVORUM, VEL IN AGENDA MORTUORUM.

Sanctorum tuorum intercessionibus, quæsumus, Domine, et nos protege, et famulis et famulabus tuis, quorum commemorationem agimus, vel quorum eleemosynas recepimus, seu etiam his qui nobis familiaritate juncti sunt, misericordiam tuam ubique prætende, ut, ab omnibus impugnationibus defensi, tua opitulatione salventur, et animas famulorum fa-

mularumque tuarum, omnium videlicet fidelium catholicorum orthodoxorum, quorum commemorationem agimus, et quorum corpora in hoc monasterio requiescunt, vel quorum nomina ante sanctum altare tuum scripta adesse videntur, electorum tuorum jungere digneris consortio. Per Dominum.

*Secreta.*

Propitiare, Domine, supplicationibus nostris, et has oblationes quas pro incolumitate famulorum famularumque tuarum, et pro animabus omnium fidelium catholicorum orthodoxorum, quorum nomina ante sanctum altare tuum scripta adesse videntur, nomini tuo consecrandas deferimus, benignus assume, ut sacrificii presentis oblatio ad refrigerium animarum eorum, te miserante, perveniat. Per.

*Post Communionem.*

Purificet nos, quæsumus, Domine, et divini sacramenti percepto, et gloriosa sanctorum tuorum oratio, et animabus famulorum famularumque tuarum, quorum commemorationem agimus, remissionem cunctorum tribue peccatorum, ut indulgentiam quam semper optaverunt, piis supplicationibus consequantur. Per.

**CXII.**

**EXORCISMUS SALIS.**

Exorcizo te, creatura salis, per Deum vivum, per Deum verum, per Deum sanctum, per Deum qui te per Eliseum prophetam in aquam mitti jussit, ut sanaretur sterilitas aquæ, ut efficiaris sal exorcizatum in salutem credentium, et sis omnibus te sumentibus sanitas animæ et corporis, et effugiat atque discedat ab eo loco quo aspersus fueris omnis phantasia et nequitia, vel versutia diabolicæ fraudis, omnisque spiritus immundus, adjuratus per eum qui venturus est judicare vivos et mortuos.

**CXIII.**

**BENEDICTIO SALIS.**

Immensam clementiam tuam, omnipotens æterne Deus, humiliter imploramus, ut hanc creaturam salis, quam in usum generis humani tribuisti, benedicere et sanctificare tua pietate digneris, ut sit omnibus sumentibus salus mentis et corporis, et quidquid ex eo tactum vel respersum fuerit, careat immunditia, liberetur a noxia; non illic resideat spiritus pestilens, non aura corrumpens. Discedant omnes insidiæ latentis inimici, ut si quid est quod aut incolumitati habitantium invidet, aut quieti, aspersione hujus aquæ effugiat, ut salubritas per invocationem tui nominis expedita, ab omnibus sit impugnationibus defensa. Per.

**CXIV.**

**EXORCISMUS AQUÆ.**

Exorcizo te, creatura aquæ, in nomine Dei Patris omnipotentis, et in nomine Jesu Christi Filii ejus Domini nostri, ut sis aqua exorcizata ad effugan-

dam omnem potestatem inimici, et ipsum inimicum eradicare et explantare valeas cum angelis suis apostaticis, per virtutem Domini nostri Jesu Christi, qui vent.

**CXV.**

**BENEDICTIO AQUÆ.**

Deus, qui ad salutem humani generis maxima quæque sacramenta in aquarum substantiam condidisti, adesto propitius invocationibus nostris, et elemento huic multimodis purificationibus præparato, virtutem tuæ benedictionis infunde, ut creatura mysteriis tuis serviens, ad abjiciendos daemones morbosque pellendos, divinæ gratiæ sumat effectum, ut quidquid in domibus vel in locis fidelium hæc unda resperserit, careat immunditia, liberetur a noxa: non illic resideat spiritus pestilens, non aura corrumpens. Discedant omnes insidiæ latentis inimici, et si quid incolumitati habitantium invidet aut quieti, aspersione hujus aquæ effugiat, ut salubritas per invocationem tui nominis expedita, ab omnibus sit impugnationibus defensa. Per Dominum.

**CXVI.**

**BENEDICTIO SALIS ET AQUÆ PARITER.**

*Hic mittitur sal in aquam.*

Deus, invictæ virtutis auctor, et inseparabilis [*f. insuperabilis*] imperii rex ac semper magnificus triumphator, qui adversæ dominationis vires reprimis, qui inimici rugientis sævitiam superas, qui hostiles nequitas potens expugnas, te, Domine, trementes ac supplices deprecamur ac petimus, ut hanc creaturam salis et aquæ dignanter accipias, benignus illustres, pietatis tuæ more sanctifices, ut ubicunque fuerit dispersa, per invocationem sancti tui nominis omnis infestatio immundi spiritus abjiciatur, terrorque venenosi serpentis procul pellatur, et præsentia sancti Spiritus nobis misericordiam tuam poscentibus ubique adesse dignetur. Per Dominum.

**CXVII.**

**ORATIO QUANDO AQUA SPARGITUR IN DOMO.**

Exaudi nos, Domine sancte, Pater omnipotens, æterne Deus, et mittere dignare angelum tuum sanctum de cœlis, qui custodiat, foveat, protegat, visitet et defendat omnes habitantes in hoc habitaculo. Per.

**CXVIII.**

**BENEDICTIO DOMUS.**

Adesto, Domine, supplicationibus nostris, et hanc domum serenis oculis tuæ pietatis illustra; descendat super habitantes in ea gratiæ tuæ larga benedictio, ut in his manufactis habitaculis cum salubritate manentes, ipsi tuum semper sint habitaculum. Per.

*Alia.*

Exaudi nos, Domine sancte, Pater omnipotens, æterne Deus, ut si qua sunt adversa, si qua contraria in hac domo famuli tui N., auctoritate majestatis tuæ pellantur. Per Dominum nostrum.

## CXIX.

## ORATIO CONTRA FULGURA.

*Primum spargatur aqua benedicta, et postea dicatur oratio ista:*

Omnipotens, sempiternus Deus, parce metuentibus, et propitiare supplicibus, ut post noxios ignes nubium et vim procellarum, in materiam transeat laudis comminatio potestatis. Per.

## CXX.

## ORATIO SUPER VASA IN LOCO ANTIQUO REPERTA.

Omnipotens, sempiternus Deus, insere te officiis nostris, et hæc vascula arte fabricata gentilium, sublimitatis tuæ potentia ita emundare digneris, ut, omni immunditia depulsa, sint tuis fidelibus tempore pacis atque tranquillitatis utenda. Per.

## CXXI.

## BENEDICTIO PUTEI.

Deprecamur, Domine, clementiam pietatis tuæ, ut aquam putei hujus cœlesti benedictione sanctifices, et ad communem vitam concedas salubrem, et ita ex eo fugare digneris omnem diabolicæ tentationis incursum, ut quicumque ex eo ab hinc hauserit biberitve, vel in quibuscumque necessariis usibus hausta aqua usus fuerit, totius virtutis ac sanitatis dulcedine perfruatur, ut tibi semper sanctificatori et salvatori omnium Domino gratias agere mereatur. Per.

## CXXII.

## BENEDICTIO UVÆ VEL FAVÆ.

Benedic, Domine, hos fructus novos uvæ sive favæ, quos tu, Domine, per rorem cœli, et inundantiam pluviarum, et tempora serena atque tranquilla ad maturitatem perducere dignatus es, ad percipiendum nobis cum gratiarum actione, in nomine Domini nostri Jesu Christi, qui tecum.

## CXXIII.

## BENEDICTIO AD FRUGES NOVAS.

Domine sancte, Pater omnipotens, æternus Deus, qui cœlum et terram, mare et omnia creasti, te supplices quæsumus ut hunc fructum novum benedicere et sanctificare digneris, et multiplicare abundanter offerentibus tibi, ut repleas eorum cellaria, cum fortitudine frumenti et vini, ut lætantes in eis, referant tibi Deo omnipotenti laudes et gratias. Per Dominum.

## CXXIV.

## BENEDICTIO AD OMNIA QUÆ VOLUERIS.

Benedic, Domine, creaturam istam, ut sit remedium salutare generi humano, et præsta per invocationem nominis tui, ut quicumque ex ea sumpserit, corporis sanitatem et animæ tutelam percipiat. Per.

## CXXV.

## BENEDICTIO [PANIS NOVI].

Benedic, Domine, creaturam istam panis, sicut benedixisti quinque panes in deserto, ut omnes gu-

• More veterum censo favæ legi pro fabæ.

A stantes ex eo, accipiant tam corporis quam animæ sanitatem. Per.

## CXXVI.

## ORATIO ANTE CIBUM.

Refice nos, Domine, donis tuis, et opulentie tuæ largitate sustenta. Per Dominum nostrum.

*Alia.*

Benedic, Domine, dona tua, quæ de tua largitate sumus sumpturi. Per Dominum nostrum.

## CXXVII.

## ORATIO SUPER MENSAM.

Benedicantur nobis, Domine, dona tua, quæ de tua largitate nobis ad remedium deducta sunt, qui es Deus benedictus in sæcula.

*Alia.*

Sanctæ Dei genitricis Mariæ, gloriosæ et intemeratæ virginis orationibus, quod nobis appositum est, Redemptor omnium benedicat. Per Dominum nostrum.

*Alia.*

Beati Petri, principis apostolorum, interventionibus, quæ nobis ad remedium sunt prolata, Christus Filius Dei benedicat.

## CXXVIII.

## ORATIO POST CIBUM.

Satiati, Domine, opulentie tuæ donis, tibi gratias agimus pro his quæ, te largiente, suscepimus. obsecrantes misericordiam tuam ut quod corporibus nostris necessarium fuit, mentibus non sit onerosum. Per Dominum nostrum.

*Alia.*

Satiasti nos, Domine, de tuis donis ac datis, reple nos de tua misericordia, quia tu es benedictus, qui cum Deo Patre et Spiritu sancto vivis et regnas, Deus, per omnia sæcula sæculorum.

## CXXIX.

## ORATIO IN SACRARIO.

Omnipotens et misericors Deus, qui sacerdotum ministerio ad tibi serviendum et supplicandum uti dignaris, quæsumus immensam clementiam tuam ut quidquid modo visitamus, visites; quidquid benedicimus, benedicas; sitque ad nostræ humilitatis introitum, sanctorum tuorum meritis fuga dæmonum, angeli pacis ingressus. Per Dominum.

## CXXX.

## ORATIO UBI VESTIMENTA CONSERVANTUR.

Deus, qui famulantibus tibi mentis et corporis subsidia misericorditer largiris, præsta, quæsumus, ut quæ his pietas tua in usus et necessaria corporum famulorum tuorum contulit, clementer abundare et conservare facias; ut his exterius utentes, interiorius indumento amicti justitiæ, devoti semper tibi existere mereantur. Per.

## CXXXI.

## ORATIO IN REFECTORIO.

Omnipotens et misericors Deus, qui famulos tuos in hac domo alis refectione carnali, cibum vel potum, te benedicente, cum gratiarum actione percipiant, et hic et in æternum per te semper salvi esse mereantur. Per Dominum.

## CXXXII.

## ORATIO IN DORMITORIO.

Benedic, Domine, hoc famulorum tuorum dormitorium, qui non dormis neque dormitas, qui custodis Israel, famulos tuos in hac domo quiescentes post laborem, custodi ab illusionibus phantasmaticis Sathanæ: vigilantes, in præceptis tuis meditentur: dormientes, te per saporem sentiant, et hic et ubique defensionis tuæ auxilio muniantur. Per Dominum nostrum.

## CXXXIII.

## ORATIO IN CELLARIO.

Omnipotens et misericors Deus, qui ubique præsens es, majestatem tuam suppliciter deprecamur ut huic promptuario gratia tua adesse dignetur, quæ cuncta adversa ab eo repellat, et abundantiam benedictionis tuæ largiter infundat. Per Dominum.

## CXXXIV.

## ORATIO IN SCRIPTORIO.

Benedicere digneris, Domine, hoc scriptorium famulorum tuorum, et omnes habitantes in eo, ut quidquid hic divinarum Scripturarum ab eis lectum fuerit, sensu capiant, opere perficiant. Per.

## CXXXV.

## ORATIO IN HOSPITALI.

Omnipotens et misericors Deus, qui es doctor cordium humanorum et magister angelorum, te humiliter quæsumus ut cordibus famulorum tuorum ob gratiam salutationis locum hunc frequentantium semper adesse digneris; sit eorum sermo in timore tuo ignitus, atque sale conditus, utilitate proximi plenus, ut cum hinc advenientes recesserint, de exemplo eorum gloriam tui nominis prædicent. Per.

## CXXXVI.

## ORATIO IN DOMO INFIRMORUM.

Omnipotens et misericors Deus, quæsumus immensam pietatem tuam ut ad introitum humilitatis nostræ hos famulos tuos hoc in habitaculo fessos jacentes, salutifere visitare digneris, ut sicut visitasti, Domine, Tobiam, et Saram, socrum Petri, puerumque Centurionis, ita et isti pristina sanitate animæ corporisque recepta, gratiarum tibi in ecclesia tua referant actionem. Per Dominum.

## CXXXVII.

## ORATIO IN AREA.

Multiplica, Domine, super nos misericordiam tuam, et preces nostras propitius exaudire dignare, et sicut exaudisti famulum tuum regem David, qui

\* Vox usurpata a Gallica voce *Lardier*.

A te in area hostias offerendo placavit, ita veniat, quæsumus, super hanc aream speratæ benedictionis ubertas, ut repleti frugibus tuis, de tua semper misericordia gloriemur. Per.

## CXXXVIII.

## ORATIO IN GRANARIO.

Omnipotens et misericors Deus, qui benedixisti horrea Joseph, aream Gedeonis, et adhuc, quod majus est, jacta terræ semina surgere facis cum fenore messis, te humiliter quæsumus ut sicut ad petitionem famuli tui Eliæ, non defuit viduæ farina, ita ad nostræ pravitatis suffragia, huic horreo famulorum tuorum non desit benedictionis tuæ abundantia. Per Dominum.

## CXXXIX.

## ORATIO IN PISTRINO.

Sanctificetur istius officinæ locus, Domine, et fetur ab eo omnis immundus spiritus per virtutem Domini nostri Jesu Christi, deturque omnibus in eo commorantibus sanitas, claritas, hilaritas, protegente ac conservante majestate tua, omnipotens Deus. Qui vivis.

## CXL.

## ORATIO IN COQUINA.

Deus æternæ, ante cujus conspectum assistunt angeli, et cujus nutu reguntur universa, qui etiam necessariis humanæ fragilitatis tua pietate consulere non desinis, te humiliter imploramus ut habitaculum istius officinæ illa benedictione perfundas, qui per manus Elisæi prophetae in olla eremitica gustas amarissimos dulcorasti, et semper hic tuæ benedictionis copia redundante, laudes tibi referant, servi tui, qui das escam omni carni, et repleas omne animal benedictione salvator mundi. Qui vivis et regnas.

## CXLI.

## ORATIO IN LARDARIO a.

Omnipotens et misericors Deus, qui necessitatem humani generis clementer prævidens, adminicula temporalia contulisti, humiliter imploramus ut benedicere digneris hoc lardarium famulorum tuorum, ut quod hic tua misericordia pie contulit, nostro merito non pereat. Per.

## CXLIH.

## ORATIO IN CAMINATA b.

Omnipotens sempiternæ Deus, cujus sapientia hominem docuit, ut domus hæc careret aliquando frigore a vicinitate ignis, te quæsumus, ut omnes habitantes, vel convenientes in ea, careant in corde infidelitatis frigore a fervore ignis Spiritus sancti. Per.

## CXLIH.

## ORATIO IN INTROITU PORTÆ.

Domine Jesu Christe, qui introitum portarum Hierusalem salvans sanctificasti, dum splendore gem-

b *Caminatam* usurpat pro *camino*.

marum duodecim totidem Apostolorum nomina præsignasti, et qui per organum propheticum promisisti: *Lauda, Hierusalem, Dominum, quia confortavit seras portarum tuarum, et benedixit filios tuos in te: te quæsumus, ut ponas omnes fines domus istius sanctæ Mariæ et sancti Petri pacem, ut velociter currens, interius sermo tuus adipe frumenti satiet eos; Spiritus sanctus defendat illos, ut nunquam eis nocere prævaleat inimicus, sed omnes habitantes interiorius voce, corde, et opere decantent, dicentes: Magnus Dominus noster Jesus Christus, et magna virtus ejus, et sapientiæ ejus non est numerus. Qui cum Patre et Spiritu sancto vivis et regnas Deus, per omnia sæcula sæculorum.*

## CXLIV.

## ORATIONES MATUTINALES ET VESPERTINALES.

*Matutinales.*

Matutina supplicum vota, Domine, propitius in tuere, et occulta cordis nostri remedio tuæ clarifica pietatis, et desideria tenebrosa non teneant quos lux cœlestis gratiæ reparavit. Per.

Omnipotens, sempiternus Deus, apud quem semper nihil obscurum est, nihil tenebrosum, emitte, quæsumus, Domine, lucem tuam in cordibus nostris, ut mandatorum tuorum lege percepta, in via tua ambulantes, nihil patiamur erroris. Per.

Deus, qui vigilantes in laudibus tuis cœlesti mercede remuneras, tenebras de cordibus nostris auferre digneris, ut splendore luminis tui semper gaudeamus. Per Dominum nostrum.

Gratias tibi agimus, Domine sancte, Pater omnipotens, æterne Deus, qui nos de transacto noctis spatio ad matutinas horas perducere dignatus es, quæsumus ut dones nobis diem hunc sine peccato transire, quatenus ad vesperum et semper tibi Deo gratias referamus. Per Dominum nostrum.

Exsurgentes de cubilibus tuis, auxilium gratiæ tuæ matutinis, Domine, precibus imploramus, ut, discussis tenebris vitiorum, ambulare mereamur in luce virtutum. Per.

Te lucem veram et lucis auctorem, Domine, opeprecamur, ut digneris a nobis tenebras depellere vitiorum, et clarificare nos luce virtutum. Per.

Veritas tua, quæsumus, Domine, luceat in cordibus nostris, et omnis falsitas destruat inimici. Per.

Sensibus nostris, quæsumus, Domine, lumen sanctum benignus infunde, ut tibi semper simus devoti, cujus sapientia creati sumus et providentia gubernamur. Per Dominum nostrum.

Tua nos, Domine, veritas semper illuminet, et ab omni pravitate defendat atque custodiat. Per.

[Auge in nobis, Domine, fidem tuam, et Spiritus sancti lucem semper in nobis accende. Per. In unitate ejusdem.]

Gratias agimus enarrabili pietati tuæ, omnipotens Deus, qui nos, depulsa noctis caligine, ad diem hujus principium perduxisti, et abjecta ignorantiae cœcitate, ad cultum tui nominis atque scientiam revocasti, ita labere sensibus nostris omnipotens Pater, ut in præ-

ceptorum tuorum lumine gradientes, te ducem sequamur et principem. Per.

Deus, qui tenebras ignorantiae verbi tui luce depellis, auge in cordibus nostris virtutem fidei quam dedisti, ut ignis quem gratia tua fecit accendi, nullis tentationibus possit exstingui. Per.

Auribus percipe, quæsumus, Domine, verba cordis nostri, clamoremque matutinum pius scrutator intellige; ut orandi ad te nobis sit fida devotio, tuaque donetur nobis diluculo contemplatio, et peccatorum omnium optata remissio. Per Dominum.]

*Vespertinales.*

Oriatur nascentibus tenebris aurora justitiæ, ut peracto die tibi suppliciter gratias agentes, etiam mane dignanter recipias vota solventes. Per.

Tuus dies, Domine, et tua est nox, concede solem justitiæ permanere in cordibus nostris, ad repellendas tenebras cogitationum iniquarum. Per.

Gratias tibi, Domine, agimus, custoditi per diem; gratias tibi exsolvimus, custodiendi per noctem: re-præsentate nos, quæsumus, Domine, matutinis horis incolumes, ut nos omni tempore habeas laudatores. Per.

Omnipotens, sempiternus Deus, vespere et mane et meridie majestatem tuam suppliciter deprecamur ut, expulsis de cordibus nostris peccatorum tenebris, ad veram lucem, quæ Christus est, nos facias pervenire. Per eundem Dominum nostrum.

Deus, qui illuminas noctem, et lucem post tenebras facis, concede nobis ut hanc noctem sine impedimento Satanæ transeamus, atque matutinis horis ad altare tuum recurrentes, tibi Deo gratias referamus. Per Dominum.

Vespertinæ laudis officia persolventes, clementiam tuam, Domine, humili prece deprecamur, ut nocturni insidiatoris fraudes, te protegente, vincamus. Per Dominum.

Exaudi, Domine, famulos tuos, vespertini nomini tuo vota reddentes, et quos per singula diei momenta servasti, per noctis quietem custodire dignare. Per.

[Propitiare, Domine, vespertinis supplicationibus nostris, et fac nos sine reata matutinis tibi laudibus præsentari. Per.]

Quæsumus, Domine Deus noster, diem molestias noctis quiete sustenta, ut, necessaria temporum vicissitudine succedente, nostra reficiatur infirmitas. Per Dominum.]

## CXLV.

## IMPOSITIO MANUUM SUPER ENERCUMENUM CATECHUMENUM.

Omnipotens, sempiternus Deus, a cujus facie cœli distillant, montes sicut cera liqueant, terra tremit, cui patent abyssi, quem infernus pavescit, quem omnis irarum motus aspiciens humiliatur: te supplex deprecor, Domine, ut invocatione nominis tui, ab hujus famuli tui vexatione confusus inimicus abscedat, et ab hujus possessione anima liberata, ad auctorem suæ salutis recurrat, liberatoremque suum, diabólico fetore depulso, et odore suavissimo Spiritus

tus sancti percepto, sequatur. Per Dominum nostrum.

## CXLVI.

## ITEM ALIA PRO PARVULO ENÉRGUMENO.

Domine sancte, Pater omnipotens, æterne Deus, virtutem tuam totis exoro gemitibus, pro hujus famuli tui oppressa infantia : qui etiam indignis inter pressuras donas præsidium, exurge pro hujus infantia debellata, et noli diu retinere victicam, nec ante conspectum tuum veniant parentum delicta, qui nec pro filio patrem, nec pro patre promisisti filium judicari : auxiliare, quæsumus, inimici furore vexato, ne sine baptisate facias ejus animam a diabolo possideri, sed potius tenera ætas malignis oppressionibus liberata, tibi referat gratias sempiternas. Per.

## CXLVII.

## ITEM SUPER ENÉRGUMENUM BAPTIZATUM.

Deus angelorum, Deus archangelorum, Deus prophetarum, Deus apostolorum, Deus martyrum, Deus virginum, Deus Pater Domini nostri Jesu Christi, invoco sanctum nomen tuum, ac præclaræ majestatis tuæ clementiam supplex exposco, ut mihi auxilium præstare digneris adversus hunc nequissimum spiritum, ut ubicunque latet, audito nomine tuo, velociter exeat vel recedat. Ipse enim tibi imperat, diabole, qui ventis et mari vel tempestatibus imperavit. Ipse tibi imperat, qui te de supernis cælorum in inferiora terræ demergi præcepit. Ipse tibi imperat, qui te retrorsum redire præcepit. Audi ergo et time, Satan, victus et prostratus abscede in nomine Domini nostri Jesu Christi. Tu ergo, nequissime Satan, inimicus fidei generis humani, mortis raptor, justitiæ declinator, malorum radix, fomes vitiorum, seductor hominum, perditor gentium, incitator invidiæ, origo avaritiæ, causa discordiæ, excitator dolorum, dæmonum magister, qui stas et resistis, cum scis eum tuas perdere vires, illum metue qui in Isaac immolatus est, in Joseph venundatus, in agno occisus, in homine crucifixus, deinde triumphator. Recede in nomine Patris, et Filii, et Spiritus sancti, et da locum Spiritui sancto, per hoc signum crucis Christi Domini nostri. Qui venturus est judicare.

## Alia

Deus conditor et defensor generis humani, qui hominem ad imaginem et similitudinem tuam formasti, respice super hunc famulum tuum, qui dolis invidi serpentis appetitur, quem vetus adversarius et hostis antiquus atræ formidinis horrore circumvolat, et sensum mentis humanæ stupore desiguit, terrore conturbat, et metu trepidi timoris exagitat : repelle, Domine, virtutem diaboli, fallacesque ejus insidias amove, procul impius tentator aufugiat : sit nominis tui signo famulis, tuis ex animo totus et corpore : tu pectoris hujus interna custodias, tu viscera regas, tu corda confirmes, inania adversariæ potestatis tentamenta evanescant. Da ad hanc invocationem nominis tui gratiam, ut qui hucusque ter-

rebat, territus abeat, et victus abscedat, tibi que possit hic servus tuus corde firmato et mente sincera debitum præbere famulatum. Per Dominum.

## Alia.

Domine sancte, Pater omnipotens, æterne Deus, Hosanna in excelsis, Pater Domini nostri Jesu Christi, qui illum refugam tyrannum gehennæ deputasti, qui Unigenitum tuum in hunc mundum misisti, ut illum rugientem leonem contereret, velociter adtende; accelera, ut eripias hominem, ad imaginem et similitudinem tuam creatum, a ruina et dæmonio meridiano. Da, Domine, terrorem tuum super bestiam, quæ exterminavit vineam tuam; da fiduciam servis tuis contra nequissimum draconem fortiter stare, ne contemnat sperantes in te, et dicat, sicut in Pharaone jam olim dixit : Deum non novi, nec Israel dimitto. Urgeat illum, Domine, dextera tua potens, discedere a famulo tuo, ne diutius præsumat captivum tenere hominem, quem tu ad imaginem facere dignatus es. Adjuro te ergo, serpens antique, per judicem vivorum et mortuorum, per factorem mundi, per eum qui habet potestatem mittere in gehennam, ut ab hoc famulo Dei, qui ad Ecclesiæ præsepia concurrat, cum metu et exercitu furoris tui festinans discedas. Adjuro te non mea infirmitate, sed in virtute sancti Spiritus, ut desinas [al., exas] ab hoc famulo Dei N., quem omnipotens Deus ad imaginem suam fecit. Cede, cede non mihi, sed mysteriis Christi. Illius enim te perurget potestas, qui te affligens [al., adfligens], cruci suæ subjugavit. Illius brachium contremesce, qui devictis gemitibus inferni, animas ad lucem perduxit. Sit tibi terror corpus hominis, sit tibi formido imago Dei; nec resistas, nec moreris discedere ab homine, quoniam complacuit Christo ut in homine habitaret. Et ne me infirmum contemnendum putes, dum me peccatorem nimis esse cognoscis. Imperat tibi Dominus, imperat tibi majestas Christi, imperat tibi Deus Pater, imperat tibi Filius et Spiritus sanctus, imperat tibi apostolorum fides, sancti Petri et Pauli, et cæterorum apostolorum; imperat tibi indulgentia confessorum, imperat tibi martyrum sanguis, imperat tibi sacramentum crucis, imperat tibi mysteriorum virtus. Exi, transgressor, exi, seductor, plene omni dolo et fallacia, veritatis inimice, innocentium persecutor. Da locum, darissime, da locum, impiissime, da locum Christo, in quo nihil invenisti de operibus tuis, qui te exspoliavit, qui regnum tuum destruxit, qui te victum ligavit, et vasa tua dirupit, qui te projecit in tenebras exteriores, ubi tibi cum ministris tuis erit præparatus interitus. Sed quid nunc, truculente, recogitas? quid, temerarie, retractas? Reus omnipotentis Deo, cujus statuta transgressus es. Reus Filio ejus Jesu Christo, quem tentare ausus es et crucifigere præsumpsisti. Reus humano generi, cui mors tuis persuasionibus venit. Adjuro te ergo, draco nequissime, in nomine agni immaculati qui ambulavit super aspidem et basiliscum, qui conculcavit leonem et draconem, ut discedas ab homine, discedas ab

**Ecclesia Dei.** Contremesce et effuge, invocato nomine Domini illius quem inferi tremunt, cui virtutes cœlorum, et potestates, et dominationes subjectæ sunt, quem cherubin et seraphin indefessis vocibus laudant. Imperat tibi Verbum caro factum; imperat tibi natus ex virgine, imperat tibi Jesus Nazareus, qui te, cum discipulos ejus contemneres, illæsum et prostratum exire jussit ab homine. Quo præsentem, cum te ab homine separasset, nec porcorum gregem

**A** præsumebas contingere. Recede ergo nunc adjuratus in nomine ejus ab homine quem ipse plasmavit. Durum tibi est, Christo velle resistere, durum est tibi contra stimulum calcitrare; quia quanto tardius exis, tanto tibi supplicium majus crescit, quoniam non hominem contemnis, sed illum qui dominator vivorum et mortuorum est. Qui venturus est judicare vivos et mortuos \*.

\* Hic finis erat libri Sacramentorum Grimoldi abbatis in præcipuo codice ms. Coloniensi. Quia tamen in prologo hujus libri etiam Præfationum meminuit quas in fine codicis hujus posuerit, et Benedictionum ab episcopo super populum dicendarum, nec non ejus quod in codice B. Gregorii ad gradus inferiores in Ecclesia constituendos, non habetur, patet esse mutilum codicem. Porro ad Præfationes quod attinet, quia nullus codicum ms. separatim eas continebat, ad Præfationes sub calcem primi tomi positas lectorem remittimus (a) uti etiam ad Ordinem Romanum, quod ad gradus inferiores attinet.

**B** Cæterum Benedictiones episcopales (quarum fragmentum quoque erat sub finem Coloniensis præcipui codicis alia manu scriptum) ex ms. cod. Ultrajectino, et alio quodam Coloniensi, qui episcopalium functionum Ordinem complectebatur descripsimus. Et Coloniensis quidem hic Codex viginti quatuor Dominicarum post octavas Pentecostes Benedictiones suppeditavit, quas idcirco etiam et quod cum evangelii Dominicarum concordiam habere videntur, priore loco collocavimus. Undecim vero quæ solæ erant in Ultrajectino codice post has reposuimus.

(a) In nostra editione statim sequuntur Benedictiones episcopales. *Edit.*

## BENEDICTIONES EPISCOPEALES

PER ANNI CIRCULUM.

### JACOBI PAMELII MONITUM.

« Benedictionem episcopalem, inquit Radulphus Tungrensis, de Can. Observ., propos. ult., Martialis episcopus, apostolorum discipulus, ex magisterio apostolorum tradidit, Ambrosius dicere cœpit, isque mos ex eo usquequaque convaluit. Apostolicus autem hanc tantum quæ finita missa dicitur, dicit. » Pulchre profecto paucis his verbis integram rei seriem complexus est, divinorum officiorum indagator, si quis alius diligentissimus. Et vero primis illis sæculis usitatum hanc benedictionem comprobatur ex locis DD. Damaso, Ambrosio, Hieronymo, Augustino, Carthaginiensis concilii Patribus, Leone Magno et Agathensi concilio, mutuatis. Quorum loci

**C** citati, uti recte interpretatur Micrologus, cap. 21, has benedictiones, sicuti et Toletano concilio statutum fuit, ante communionem ab episcopis olim factas indicant: quod etiamnum observari videmus ab episcopo Parisiensi, dum publicum missæ sacrificium celebrat. Harum exemplar per anni circulum adjecisse se dicto prologo testatur Grimaldus. « Addidimus, inquit, etiam et benedictiones, ab episcopo super populum dicendas. » Quare et libro Sacramentorum ipsius eas subjecimus, in eorum gratiam apud quos adhuc viget hic benedictionum ritus, etsi jam inde ab ætate Radulphi Romæ a summo pontifice non observatus.

#### BENEDICTIONES DE ADVENTU DOMINI.

« Omnipotens Deus, cujus Unigeniti adventum et præteritum creditis, et futurum exspectatis, ejusdem adventus vos illustratione sanctificet, et sua benedictione locupletet. Amen.

In præsentis vitæ stadio vos ab omni adversitate defendat, et se vobis in judicio placibilem ostendat. Amen.

Quo a cunctis peccatorum contagiis liberati, illius tremendi examinis diem exspectetis interriti. Amen.

Quod ipse præstare dignetur, qui cum Patre et Spiritu sancto vivit et gloriatur Deus, per omnia sæcula sæculorum. Amen.

Benedictio Dei Patris † et Filii † et Spiritus sancti †, et pax Domini sit semper vobiscum. Amen.

**D**

*Item alia.*

Omnipotens Deus vos placido vultu respiciat, et in vos suæ benedictionis donum infundat. Amen.

Et qui hos dies incarnatione Unigeniti sui fecit solemnes, a cunctis præsentis et futuræ vitæ adversitatibus vos reddat indemnes. Amen.

Et qui de adventu Redemptoris nostri secundum carnem devota mente lætamini, in secundo, cum in majestate sua venerit, præmiis æternæ vitæ dimitini. Amen.

Quod ipse præstare dignetur.  
Benedictio Dei Patris.

*Item alia.*

Deus, cujus adventus incarnationis præteritus creditur, et judicii venturus exspectatur, vos antequam veniat, expiet ab omni contagione delicti. Amen.